



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

### Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:


- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

### About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

C.13.  
24  
IOANNIS CAII  
BRITANNI DE MEDENDI  
methodo libri duo, ex Cl. Galeni Per  
gameni, & Io. Baptista Monta  
ni Veronensis, principum  
medicorum, sen  
tentia.

Opus utile, & iam primum natum.



BASILEAE M. D. XLIII.

Cum Imp. Maiestatis privilegio,

*elacompani de legus de Alca  
della libreria  
Ano del 1705*

# INSIGNI PRV- DENTI QVE VIRO GVLIEL-

mo Butto, HENRICI octavi sereniss. Bri-  
tanniæ regis medico, doctori eruditiss.

Ioannes Caius S.



ACTENVS mihi  
certū deliberatūq; fuit, or-  
natiss. uir, ita uiuere, ut ne  
quis ullo indicio aliquando  
me uixisse sentire posset. cu-  
ius rei ratio fuit, non quòd  
magnam mihi chartarum  
uim, si quid scribendum es-  
set, perdendam, cum Socra-  
te putem, sed quòd in dubio se, famam, existimationēq;  
ponere, qui aliquid publicè molietur, non ignorem. Ete-  
nim ita se mortales, ætate quiq; sua, compararunt, inui-  
diā ne dicam, an innata prauitate, nescio, ut neminē ho-  
minum quantumuis doctum, qui bonas horas in utilita-  
tem communem pio studio collocasset, ea foelicitate fuis-  
se unquam obseruauerim, qui aliorum iudicium temera-  
rium, falsas intentatas calumnias, linguæq; uirulentias  
effugere aliquādo posset, usq; adeo nunquam suus cuiq;  
non fuit paratus ut si f. exemplo erunt, si cupis, in cæ-  
teris facultatibus, sui cuiusq; pro temporum ratione au-  
ctores, in medicina, tum prisci illius sæculi Hippocrates  
& Galenus, tum nostræ tempestatis qui ex medicis sunt  
4 2 doctissimi

doctissimi. Galenus enim quoties, quantaq; cōtentione,  
 & se & Hippocratem ab aliorum calumnijs falsis, ine-  
 ptisq; sententijs, & passim & ubiq; uindicare studeat,  
 nec tibi in eius operibus uersatissimo, nec cuiquam qui  
 eadem uel negligentius euoluerit, ignotum esse debet. At  
 de nostræ ætatis medicis qui communia studia iuuarunt,  
 quid attinet dicere? notum enim esse arbitror, quamplu-  
 rimos esse, quibus aliorum ingrata maledicentia à pub-  
 licijs rebus animum ita alienarit, ut eos nullius unquam  
 facti, quàm se manum semel tabulæ admouisse æquè pœ-  
 niteat: tantum abest ut aliquid de integro attentare stu-  
 deant. Itaq; cum inuidiam alios quàm gratiam, inimicos  
 potius quam amicos ex recte factis, contra rerum natu-  
 ram, ex sola hominum malitia sibi constasse uideam, a-  
 liorumq; censuris plus quàm cynicis nunc hinc nunc in-  
 de mordicus impeti sciam: ad hæc, cum nihil tam bene di-  
ctum quod non sit aliquando reprehensum, nulliusq; ani-  
num ita sincere erga bonas literas affectum, qui apud  
multos aut uanæ gloriæ aut superbiæ notam effugiat, a-  
nimaduertam, hoc mihi solum superfuisse in animū indu-  
 xi meum, hoc antiquius esse mihi persuadebam, ut cum  
 aperte in hisce hominum moribus, placere nesciam, nulli  
 saltem displicere silentio studeam. At nescio tamen quo  
 pacto, obsequiō ne in amicos, an studio in rem commu-  
 nem, an utroq; effectum sit, quod iam sententiam muta-  
 re, atq; aliquid audere coactus sum. Quocirca cū silenti-  
 um tandem abrumpere sit necessum, proximum id consi-  
 lium tutissimum mihi uidebatur, ut ad doctos uiros tan-  
 quam ad sacras anchoras in his mortalium procellis con-  
 fugiam

fugiã, ut quæ modesto, pio, & amicis obsequenti animo  
 prolata sunt, eorum iudicio atq; auctoritate communiri  
 possint. quæ caussa partim, partim amor meus quo te  
 prosequor, quòd, cū unà Douarij essemus cum maiestate  
 regia, atq; mihi in Italiã concedendū esset, de salute mea  
 te ualde fuisse sollicitū intellexerim, huc me impulerūt,  
 ut hos duos libellos De medendi ratione, quibus in sum=  
 ma & iunctim complexi sumus ea quæ Galenus proli=  
 xè & sparsim de eadem tradidit, quæq; IOAN.  
 BAPTISTA MONTANVS præce=  
 ptor meus optimus & doctissimus, perpetuis ferè quin=  
 que annis Patauij magno omnium applausu, & incredi=  
 bili utilitate nos suos docuit, ad te (literatissime uir) ut  
 charissimum loco munusculi darē, ut patrono docto &  
 intelligenti dicarem. Agnosco enim tuam illam in literis  
 eximiam cognitionem, iudicij singulare acumen, atq; in  
 medicina summam experientiam cum prudentia coniun=  
 ctam. Quare, hoc quicquid est, in tuam tutelam accipi=  
 to, in gratitudinis signum habeto, & boni cōsuli

to. Bene uale. Basileæ, Idibus Maijs

M. D. XLIII.

# IOANNIS CAII

BRITANNI DE MEDEN=

di methodo, Liber I.



V I facultatem aliquam libera  
li uiro dignam  
opera studioq;  
sibi compara-  
re uelit, qui ar-  
tem quāpiam  
haud oscitāter  
supīneque tra-  
ctare cupit, is  
methodo quādam opus habet. Ea enim  
certa quādam cum ratione uia, & com-  
pendio ratio est, ut uox ipsa loquitur, sine  
qua ad artium cognitionem aspirare, nul-  
li prorsus datur. est enim ars habitus qui-  
dam, qui ratione faciēdo est, ratione, me-  
thodoq; acquisitus. Quod cum probē in-  
tellexerint Galenus atq; Plato, ille nul-  
lam artem citra methodum addisci pos-  
se preclare scripsit: hic artis umbram, non  
artem eum habere asserit, qui se sine me-

qui  
ars

thodo artem aliquam acquisiuisse credat.

<sup>in</sup> <sup>ya</sup> <sup>en</sup> Vti enim uenatores nisi certas uias, certa  
uestigia, quæ ad cubile ducunt, sequantur,  
feram nunquam nec uiderent, nec cape-  
rent: ita literarum studiosi, nisi methodi  
tanquam uia cuiusdam ad artes capessen-  
das ductum sequi uelint, artium scienti-  
am cōsequi nunquam possunt: usq; adeo  
methodum tenuisse multum est. Quocir-  
ca operæpretium est, ut in ea quisq; scien-  
tia quam discere aut profiteri studet, sibi  
methodum, rationemq; agendi rectā an-  
te omnia proponat: & quidem maxime  
in medendi arte, quam nunc tractamus:  
non quò non aliquando, etiam bene con-  
stituto fine frustretur medicus, atq; mori-  
antur multi, (*ὅτι οὐκ ἔστιν ὅτι πᾶσι ἀνθρώποις ὁμοίως ἀδυνατῶντας, ἀδυνατῶντας*: hoc est, si-  
quidem infirmos omnes sanos facere, nō  
est possibile, uti sapiēter dixit Hippocra-  
tes. utiq; hoc quàm methodum sciuisse,  
ex uoto magis esset) sed quò certius di-  
scat, plures seruet, ac quàm paucissimos  
in periculum agat, qui artem medicam  
exercet. Nec tamen statim non erit peri-  
tus medicus, si morbum non depulit. qui  
enim

enim quo morbum leuet nihil prætermittit, & secundum artem omnia gerit, prohibe medici officium fecit, etiam si non omnia semper respondeat, neque ex sententia cadant. neque enim orator semper persuadet: tamen ubi quod artis suæ est fecerit, oratoris, beneque dicentis munus expleuit.

Ergo, ne longum faciam, methodus, brevis est quædam rerum docendarum discendarumque uia atque ratio, ex natura rerum profecta, quam quisque studiosus teneat, necesse habet. eam alij aliter in species diducunt. etenim sunt qui tres tantum esse uolunt, demonstratiuam, rhetoricam, & diuisiuam: sunt qui quatuor, idque uarie. nam alij diuisiuam, diffinitiuam, demonstratiuam, & resolutiuam eas esse censent: alij demonstratiuam, diuisiuam, resolutiuam & compositiuam esse malunt. sed hi, si quis omnia recte animo expendat, non tam re quam uerbis pugnant. quod quò facilius accipi possit, singulas persequamur.

Itaque demonstratiua methodus, uia quædam cum ratione est, qua affectum aliquem seu passionem rei alicui inesse docemus. ut oculorum lumen ideo deficere, quòd



caus  
urales  
se
logis  
us  
kon
 aliquid pupillę obijcitur, quod in suffusio-  
 ne accidit. eaq; per omnes causas, mate-  
 riales, formalem, efficientē, & finalē se  
 diffundit. Vsus eius est in rebus uniuersa-  
 libus, necessitate quadā ligatis, ut quibus  
 finis cognitio est: utq; ab uniuersalibus ac  
 necessarijs inchoat, ita in eadem exit. quo  
 fit, ut ad artes atq; res agendas, cum hę ab  
 uniuersalibus ac necessarijs incipiunt, &  
 in singularia desinunt, parum accommo-  
 data sit. in his enim primus locus syllogis-  
 mo, quem ob id *πρᾶκτικόν* uocant, ut qui  
 ex uniuersalibus & necessarijs singularia  
 colligit, non demonstratiuo datus est.

Diuisiua, quam tantopere in Philebo  
 diuinus ille Plato uel ut deī, uel ut homi-  
 nis deo proximē accedentis inuentū lau-  
 dat, sine qua nihil sciri, nihil inueniri pos-  
 se ait, methodus est, qua rem in membra,  
 unum in plura dispertimus. Fit autē uel  
 totius in partes, & eas quidem aut simila-  
 res aut dissimilares, partitione, quę Gale-  
 no propriē diuisio est: aut generis in spe-  
 cies: aut uocis in significata: aut subiecti  
 in accidētia: aut cōtrā, accidentiū in sub-  
 iecta. Huius præcipuus usus atq; utilitas,  
in diffi

in diffiniendo, scientias artesq; inueniendo, est. id quod nō ignorasse uidentur Socrates atq; Plato, qui philosophiā prius rudem, hac præcipuè methodo, quæ tum apud eos, tum apud omnes academicos maximo in usu fuit, expoliuere. Hac, ut si qua alia ars ac facultas, medicina Hippocratica tãquã appositissimo instrumẽto nō solum in affectibus secundum præterq; naturam, sed etiam in curandi indicationibus, medicinarũ uiribus indagandis cum primis utitur, ut tum alibi, tum sub initio libri primĩ de Med. ratione ad Glauconẽ, Galenus auctor est. Sed ex diuisionibus ea potissimũ artis cuiusq; est, quæ genus in partes formales, per differentias oppositas, à summo genere ad imã speciem, ubi quiescendum Plato consulit, progressa diuidit: ut idem eodem loco tradidit. quod quemadmodum fiat, nemini medicorum ignotum esse debet.

Rhetorica, methodus est, cui non demonstrandi, non inueniendi, non fidem faciendi, sed quibusdam uerborum lenocinijs, & probabili potius quàm uera oratione suadendi scopus est: quam ut non  
artem

artem, non Methodum, sed fallacem facultatem appellandam Plato censuit, ita è ciuitatibus explodendā iure statuit. nec proin Galenus Chrysippū Stoicū (Stoicis enim hominibus summo in usu fuit) quòd rhetorica methodo, re tam leui ac ridicula, in philosophia re omnium grauiſſima uteretur, præter meritum irriſit.

Diffinitiuā methodus, ratio est inueſtigandi rerum naturā, eſſentiā, atq; *τί ἐστί*, ut Aristotelis uerbo utar. uerbi gratia, si cui quid medicina est, obscurum sit, is ex diffinitione, *ὅτι ἡ ψυχὴ καὶ τὸ σῶμα ἐστὶν ὅσον ὑγιεινῶν, καὶ νοσούντων, καὶ ὁ δὲ τόπος*: hoc est, quòd scientia sit salubrium, insalubrium, & neutrorum, facile mente comprehendet. Hæc hunc præstat usum, ut in summa, breuiterq; uniuersam rei naturā explicet, atq; uelut oculis cōtuendam proponat. Huc ut non leuiter componendi ac diuidendi methodus facit, ita hæc ad demonstrandi rationem plurimum iuuat.

Resolutiuā methodus, diuisiuæ speciei est. resoluit enim composita in ea unde componuntur. qua de causa nonnulli diuisiua contenti, resolutiuam neglexere.

Cæterum

Cæterum, cum aliud sit, genus in species diuidere, aliud compositum in ea unde componuntur resolvere, euidentius docēdi caussa, inter diuisiuam & resolutiuā distinctum est. Est autem resolutiua Methodus, ad artes actiōesq; humanas, quas cum ratione obimus, apprimè utilis. nam resolutio nihil aliud est, quàm à notione finis, quem cōsequi quis studet, progressus quidam, in caussas & principia finem resoluens, usq; dum ad unum aliquod plurāue, quæ ad eum finem assequendū conducant, quæq; opere exequi bportet, peruentum sit. ut si sanitatem, quam restitutam cupis, in æqualitatem, atq; calidi, frigidi, humidī & sicci temperamentum resoluas, nam sanitas in æqualitate, æqualitas in primarum qualitatum iusta temperie posita est. à qua si corpus aboliti caloris uitio recesserit, (quod exempli causa dictum sit, ut ex uno omnia discas) calor reuocādus est. At calor reuocatur ijs quæ uel ex euentu calfaciunt, ut exercitatio, ne, motu, frictiōe: uel ex natura, ut igne: uel ex accidēte, ut ueste, pipere, zingibere, concepto prius calore ex humano corpore

pore. in præsens, exempli gratia, frictio-  
nem assumamus. ergo fricandum corpus  
ægrum erit. quod iam medico re præstan-  
dum est. ex frictione enim calor sequitur,  
ex calore temperamentum, ex tempe-  
ramento æqualitas, ex æqualitate sani-  
tas, quam sibi finem scopumq; proposuit  
medicus.

Cum hac ex aduerso pugnat composi-  
tiua Methodus, ut ex iam dicto exemplo  
inuerso haud obscure liquebit. Si quis e-  
nim ex adurēte immodicoq; frigore, mor-  
bum, euerso calore, cōtraxerit, corpus fri-  
candum medicus præcipit. nam ex frictio-  
ne calor, ex calore temperamentum, ex  
quo æqualitas, ex æqualitate sanitas con-  
sequetur. Sed ex his, compositoria ad ty-  
rones, atq; adhuc rudes docendos, reso-  
lutoria (sine qua nulla perfectè ars disci-  
tur, ut in Philebo auctor Plato est) ad  
prouectos doctosq; exercendos accom-  
modatior est.

Ex his probè intellectis, haud difficile  
erit elicere, unde inter auctores tanta de  
Methodorum numero nata sit uarietas;  
cum pro sua quisq; ratione de Methodis  
statuit

statuit. Etenim qui tres tantum posuerunt, diuisiuam, rhetoricam, & demonstratiuam, sub diuisiua resolutiuam, compositiuam, & diffinitiuam cōplexi sunt, eoq; resolutiua diuisiuæ species sit, compositiua à resolutiua non re sed ratione tantum differat, diffinitiuâque à diuisiua pronascatur. Qui autem quatuor, sed compositiuam omiserunt, id eo consilio fecere, quòd ea cum resolutiua, re, eadem sit. Iam tertij illi, qui quatuor esse autumant, diffinitiuam tamen non assument, hanc consilij sui rationem habuisse uidentur, quòd à compositiua & diuisiua diffinitiuâ oriatur, quæq; nō simplex sed mixta docendi ratio uideatur. Hoc cōsilio & si alius aliud subticuerit, omnes tamen, quatuor, demonstratiuam, diffinitiuam, resolutiuam, & compositiuâ, aut tacite insinuant, aut aperte proferunt: quæ quatuor quæstionibus, unde natæ sunt, an res sit, quid sit, propter quid, & quòd talis sit, respondent. An sit enim res, resolutione, quæ mathematicis crebro in usu est, capitur: quid sit, diffinitione, quâ inseparabili necessitate diuisio sequitur. nam  
diffini-

diffinire nemo potest, nisi diuidere rectè  
nouerit. diffinitio enim speciei solum est,  
ex genere & differentia constans, diuisio  
nis illius, quæ generis est per differentias  
in imas species, interuentu. quare hanc à  
diffinitiuâ methòdo nequaquam seiun-  
gendam rectè iudicamus. Iam propter  
quid, demonstratione, quam per omnis  
generis causas fieri antè retuli, absolut-  
tur: quòd talis sit, compositiua cognosci-  
tur. ut cunq; sit, Galenus in libello De ar-  
te medica, tres esse auctor est, resolutiuâ,  
compositiuam, & diffinitiuam, quæ ut o-  
mnes medicis, ita duæ potissimum, reso-  
lutiuâ & diuisiua, ex usu sunt. resolutiuâ,  
quòd subinde genus aliquod obscurum,  
de quo ambigitur an sit, quoniam diuidi  
non potest, ac differentijs sæpe essentiali-  
bus careat, resoluendum occurrit. diuisi-  
ua, tum quòd inter resoluendum, aliquid  
diuidendum sæpe se ingerit, tum quòd  
medicina ars est, quæ ratione & iudicio  
faciendo est. at ratione facere nemo po-  
test, nisi uniuersalia, quæ rationis sunt,  
cū particularibus, quæ actionis sunt, com-  
ponat, quòd non nisi methòdo diuisiua  
& reso-

& resolutiua fit. Iudicio uerò, nisi natura rerum probè perspecta & penitus cognita, quod resolutiōe fit, et rectè distincta, si multa compectatur, quod diuisione exequitur, minus potest. Idcirco, haud præter rationem ipsa philosophiam Plato, medicinam Hippocrates & Galenus, scientias sua tempestate satis alioqui incertas, atq; imperfectas perfecere. Sed primo Hippocrates. methodi enim primum auctorem eū fuisse, libro De medendi meth. nono, Galenus testis est. dein Galenus, qui, nō aliter atq; Italię uias Traianus, omnia cōplanauit, atq; expedita magis fecit: quicq; ut ipse de se auctor est in ipso initio libri sui, cui titulum fecit, An ars tuendi sanitatem ad gymnasten pertineat, sine methodo nihil unquam scriptitauit, & maxime resolutiua & diuisiua. Has methodos, *διδασκαλίας*, id est, doctrinas, idem Galenus subinde nominat: ut cum in libro De arte medica dicat, *τρῆς εἰσὶν αἱ πᾶσαι διδασκαλίαι, τάξιν ἔχοντα*, hoc est, tres sunt in uniuersum doctrinæ, ordinis insitæ. His, pro triplici rerū inter se ratione, habitudine, atq; nexu, totidē ordines ceu

b      propriæ



propriæ quædam passiones cōnatī sunt,  
 qui uelutī tenores quidam, fila, ductusq;  
 orationis, connexus, consequentiā, & se-  
 ries rerum quæ doctrinis methodisq; tra-  
 duntur, existunt. Primus, compositiuus  
 est. is ex habitudine uniuersalium ad par-  
 ticularia fluit: quemadmodum apud Ari-  
 stotelē, ab ijs quæ in discreta, uniuersalia,  
 et naturæ nota sunt, ut principijs, causis,  
 motibus, locis, temporibus, & id genus  
 alijs, quæ omnibus rebus naturalibus cō-  
 munia, atq; libris *πρὸ φυσικῆς ἀκροάσεως*  
 explicata sunt, orsus ordo, paulatim ad  
 particularia metallorum, plantarum, atq;  
 animalium genera, in alijs libris tradita, de-  
 uenit. Secundus resolutiuus dicitur, qui  
 rei est institutæ & compositæ ratio ad sua  
 principia. Tertius diffinitiuus est, ex par-  
 tibus diffinitionis cum diffinito collatis  
 promanans. qui quòd ex ijs quæ ante di-  
 ximus intelligi possunt, exemplis opus  
 non habent. Ex his, resolutiuus, ad inuen-  
 tionem aptissimus est. unde sanè Gale-  
 no, in eo libro cui titulus est, *πρὸ συνάσε-  
 ως ἰατρικῆς*, is magnum, atq; adeo solum  
 momentum attulit. Diffinitiuus ad artes  
 compen

compēdio tradendas utilissimus. quo ob id, idem libro cui inscriptionem fecit *παραχρησῖς ἰατρικῆς*, usus est. Compositiuus ad docendum accommodatissimus. quocirca, cum cæteris priscis auctoribus perpetuo in usu fuit, tum præcipuè Galeno in libris alijs plerisq; omnibus præter duos iam commemoratos: idq; etiam in methodis quandoq; resolutiua, nōnunquam diuisiua, subinde demonstratiua, aliquando etiam diffinitiua, uti ex libris de medendi ratione ad Glauconem uidere est: in quibus à simplicioribus ad composita progressus, ut ordine cōpositiuo, ita methodis diuisiua & resolutiua utitur. Sed de his qui plura uelit, Leoniceni libellum de tribus doctrinis legat. nobis de methodo in uniuersum tantum dixisse satis sit, quantum ad medendi methodū conferre possit, quæ, etsi triplici, ut ante dixi, ratione constet, diffinitiua, resolutiua, & compositiua, tamen à resolutione, in qua inquirendi principium à notione finis est, tanquam à methodo tum medicis tum cæteris plerisq; omnibus, qui facultatē aliquā profitentur, familiarissima, auspicemur.

Ergo medendi finis, omnium cōsensu, sanitas est, non qua ratione qualitas est aut habitus, sed qua bonum quiddam, æqualitasq; quædā, seu *ὁμαλότης*, in bene comparato temperamento, sit: uel, si mauis, forma in æqualitate secundum naturā in humano corpore peræq; tēperato: quæ si una est, una erit ualeitudo: sin plures, plures etiā ualeitudines. Tēperamentū intelligo id, quod animātium, stirpium, mixtorumq; singulorum naturæ maximè quadrat, quod iustitiæ appellant, nō simplex illud, totiusq; naturæ, quod ponderis mensuræq; dicunt: ne quis cum temperamentum omne proportio quædam in rebus, ex primis illis corporibus, mutua primarum qualitatum retusa miscella, tāquam primis principijs, sit, de alio illo me dixisse putet. Hunc autem finem duplici ratione scopum sibi proponunt medici, uidelicet, ut uel tueatur illæsum, uel restituāt amissum. Quare, duæ primæ præcipuæq; medicinæ partes erunt, *ὑγιείνη*, & *θώρακιστική*: altera sanitatem defendit, altera morbum depellit, utraq; uitam continuare communi consilio pro uirili parte contendit

tendit. Cæterum qui sanitatem tueri uelit, quum aut corporis æqualitatem conseruare, aut ne quid noxi infestet præcauere, aut eam uitiose constitutam in melius fingere, aut fractam labefactatamq; reficere atq; reparare habet: uicissim cui curare animus est, morbumq; depellere, cum id uictu, medicamine, aut manu facere necesse sit: *ὕγιεινὴς* quatuor partes, conseruatio, præseruatio, correctio, & refectio: *δοσολογικὴς* tres, *διατηρικὴ*, *φαρμακολογικὴ*, καὶ *χρῆστρογικὴ*, rectè constitutæ sunt. de quibus pro methodi uniuersalis ratione, abunde deinceps singulatim dicemus: sed *ὕγιεινῶ* primo, in sequenti libro, *δοσολογικῶ* persequemur.

Itaq; cui sanitatis studium est, is principio corporis æqualitatem, temperamentumq; accurate conseruare habet, cuiuscunque id fuerit compositionis generis. Etenim cum in animantium corpore, commixtionum seu compositionum tria genera sunt, elementarium nimirum qualitatum, calidi, frigidi, humidi, & sicci temperamētum, quod similariū, simpliciumq; partiū, ut ossis, nerui, carnis, hocq;

genus aliorum, est, quorum singula in elementa resolui possunt : dissimilarium atque instrumentalium membrorum, ut pedis, manus, capitis, ex similaribus tanquam proximis elementis constitutio : & utrarumque compago, in similaribus continua, in dissimilaribus contigua : tria etiam erunt æqualitatum inæqualitatumque genera.

In primo compositionis genere, ubi tum unam qualitatem, aut unam atque alteram, nunc in specie, ut caliditatem & siccitatem in leone, nunc in particulari atque indiuiduo, ut frigiditatem & siccitatem in Diocle, sapissime eminere : tum omnes proportionem quadam inter se æquabili sapius contemperari cernimus, quot primarum qualitatum complexiones combinationesque sunt, tot corporum æqualitates atque temperamenta erunt. erunt autem in summa nouem. Aut enim qualitatum symmetria erit, ut neutra alteram exuperet, sequeturque quod græci *ὑκράτους*, latini temperatum seu æquabile dicunt, non simplex illud totiusque naturæ, in quo æqua prorsus elementorum portio est, sed quod singulis generibus cōpetat, in quo, ut dixi, is est modus,

eame

ea mediocritas, quæ tum stirpis tum animantis naturæ optimè conuenit: Aut altera tantum qualitatum, ut uel calidum, frigidum, humidum, uel siccum excedet, eruntq; distemperata simplicia quatuor: Aut duæ coniugatim eminebunt, ut calidum & humidum, uel calidum & siccū, frigidum & humidum, uel frigidum & siccum, exurgentq; distemperata coniungata quatuor. Sed ex his non nisi primæ complexionis atq; temperamēti, exacta illa atq; inculcata sanitas est. cæteræ, ut laudatæ quidem & naturales complexiones, ab hisq; natę æqualitates, existunt, ita quas hæ producunt, uoletudines sanitatisq; modi nec exquiliti sunt, nec omnino culpa uacant, sed per latitudinem ceu campum quēdam, nunc in defectū nunc in excessum tātisper euagati, dum in neutrā partē impingāt, actiōue naturalis lēdatur, pro æqualitatū maioris minorisue ratiōe, aut deteriores aut meliores euadūt.

In secundo cōpositionis genere, quod dissimilium partium constitutionem uocauimus, æqualitas, non ex primarū qualitatum commixtione, ubi potestate non

non re integra, refractis nimirum, alteraratis, remissisq; formis, elementorum temperata uis manet, sed ex partium similitum, quæ re dissimilibus insunt, structura conuenientia pendet. Conueniens autem structura erit, si apta composita q; forma, congruus numerus, debita quantitas, & conueniens situs positusq; fuerit. Forma autem composita erit, si secundum naturam figura, superficies, cauitas, & meatus extiterint. Figura, ut si caput ad capitis illius à Galeno in libro tū De ossibus tū De arte medica descripti exemplum efformetur. Superficies, ut si quod natura asperum est, ut *πραχία* arteria, asperitudinem: quod leue, ut arteriæ leues, ut ossa magna ex parte, leuorem & habent & obtinent. Cauitas, si, ut ossibus, sinus, & capacitates medullæ naturales non deerūt. Meatus, si intestina, si uenæ, arteriæ, *ὀρεντήρες*, uasa seminaria, iocineris, renum, aliorumq; uiscerū atq; instrumentorum spacia, uiaq; liberæ, ac non obstructæ, ex re aliqua impacta, fuerint, quin calor, spiritus, sanguis, atq; excrementa per ea deferri rite possint. Ad hunc sensum

sensum hoc loco meatuum nomine utendum est, ac non cæcorum illorum spiramætorum significatione id intelligendū.

Numerus congruus, si nec plures nec pauciores partes fuerint, quæ à natura ad usus necessarios institutæ sunt. quare in manu aut pede, quatuor aut sex digiti, numerus nequaquam congruus est.

Quantitas partium debita, si nec maior minörue quàm par est, quamque reliqui corporis proportioni respondet. Situs uerò seu positus conueniens, si membra instrumentalía, & eorum partes, nec longius nec propius quàm pro naturali constitutione, decenti habitu, accommoda functione posita sunt: ut si quid nec luxatum, aut alia quauis ratione loco motum, aliò insinuatum non fuerit.

Tertij cõpositionis generis, quod partibus similaribus ac dissimilaribus commune, compagem nominauimus, equalitas, ex similarium partium cõtinuitate, & dissimilarium contiguitate seu cõiunctione naturali spectatur. Cõtinuitas aut similarium erit, si neque ex diuisa carne ulcus, neque ex tusa, aut intenta nimium ruptio,



aut in nervis conuulsio, uenis arterijs ruptio, contusio, uel uulnus, aut osse fractura fuerit. Contiguitas uerò dissimilari-  
um, si ἀποὶ τὰς ἀσμενῶν non fiunt, hoc est, si partes harum simplices ea naturę lege inter se componantur, ut ne à se mutuo aliquando distrahantur. ita enim in utrisq; æqualitas consistet, & ualetudo firma erit. nec secus in cæteris iam commemora-  
tis compositionibus: si omnia naturę consentiant, sanitas aderit: si secus, ægritudo. æqualitates enim quę secundum naturā sunt, semper sanitas: inæqualitates quę à natura alienę sunt, semper morbi comitantur, paresq; perpetuò secundæ aduersęq; ualetudines, æqualitatibus inæqualitatibusq; singulis existunt. idq; quoniam sanitas in æqualitate, æqualitas in similitum partium temperamento, dissimilium structura, & utrarumq; compage, tribus uidelicet compositionum generibus, posita sit: pro quarum uarietate, uaria erunt æqualitatum genera, ex quibus rursum uarij modi numeriq; ualetudinum consequuntur. Quocirca nemini obscurum esse debet, eum qui sanitatem conseruare uelit

uelit, omnium trium compositionum æqualitatem tueri debere. quod quemadmodum fieri conueniat haud difficulter intelliget, qui non ignorat similia secundis conseruari, contraria aduersis mederi, non solum per omnes in primo compositionis genere primarum qualitatum temperaturas nouem, sed per omnes etiam in secundo, atq; item tertio species. At uero cum contraria ea atq; similia *ἡ ἐκ τῆς ἰατρικῆς*, hoc est, ex materia medica petenda sunt, ut primo de ea pauca dicam, dein singulis compositionū generibus exempli causa accommodem, locus tradendæq; artis methodus admonet. quod dum faciam, locos quosdam constituam, in quibus omnia ita disponā, ut inde tanquam thesauris quibusdam refertissimis, studio sus quisque quod sibi in rem præsentem uidebitur, depromere quàm expeditissime possit.

Medica igitur materia omnia ea sunt, quæ ad medendi usum opportuna sunt. Ea à Græcis, *ἁπλῆ ὑγιεινὰ*, id est, causse salubres: à nostræ ætatis medicis, res nō naturales, conseruatrices, atq; alteratrices  
appel-

appellata sunt. Hæc aut intro ore, alijs ue  
 meatibus in corpus assumuntur, aut foris  
 tantum adhibentur, aut tum intro tum  
 foris accedunt, aut neque intro neq; fo-  
 ris adueniunt. Intro ore assumuntur, ci-  
 bus, potio, pharmacum: alijs meatibus,  
 ut nare, ἑρῖνα, φαρμικά: sede, ὕεματα.  
 Foris applicantur, frictiones, balnea, un-  
 ctiones, fomenta, atq; id genus alia. Intro  
 forisq; accedunt, aer, qui intro aspirando  
 trahitur, foris sua qualitate corpus afficit  
 alteratq;: & aqua, cuius usus ut in corpo-  
 re, ita extra circaq; corpus multus est.  
 Quæ neq; intro neq; foris adueniunt, tri-  
 partito diuiduntur, in animi, corporis, &  
 utriusq; communes affectus. Animi, ut  
 sunt ira odium, timor cōfidentia, mœror  
 gaudium, animi remissio studiū, spes de-  
 speratio, mentis & tranquillitas & pertur-  
 batio: corporis, ut exercitatio quies, tem-  
 perantia uenus, repletio inanitio: utriusq;  
 ut somnus & uigilia. Hæc materia, hæ syl-  
 uæ sunt, quibus ut instrumentis utaris li-  
 cet. Quamobrem ubi æqualitatem si-  
 milarium partium sanitatis gratia conser-  
 uare uis, hæc inter excessum defectumq;  
 in me/

in medio posita, ita suo loco, tempore, & modo in præsentē rem accōmodanda, ita moderāda sunt, ut omnia secūda esse possint. Id rectè fiet, si tū temperaturā, sit ne tēperata an distemperata, (quod discēs ex affectibus corporis, animi, ex enatis ē corpore, quātitate, figura, & humoribus corporis, ætate, antea acta uita, uitæ proposito, uicius ratione, loco, tempore, & cœli constitutione. ) tum affectus aut animi, aut corporis, aut utriusq; qui moderandi sunt, uim affectūq; ut quid ira, quid mœror, quid exercitatio, uenus, somnus, uigilia in humano corpore efficere possint, probè noueris. Ita enim quid cuiq; secundum, quid aduersum, quid cōcedendum, quid prohibendum ad æqualitatis tutelā, haud difficilè erit deprehēdere. Vnde cōspicuum est, *ὑπεράτω* temperatoq; non esse dāda nisi *ὑκράτω* & temperata, tum qualitate, ut caliditate, frigiditate, humiditate, & siccitate: tum sapore, ut acredine, falsedine, aciditate: tum substantia, ut tenacitate, crassitudine, tenuitate, pinguitudine: tum odore, ut grato: nec distemperatis, nisi quæ pro excessus ratione, singulorum

lorum tēperaturis gradu numeroq; ad amissim respondent. nec aliud sentiendū de cæteris locis, quàm quod iam dixi de ijs qui ore assumuntur, & ijs quæ neq; intro neq; foris adueniunt. nam quæ foris applicantur, quæ intro forisq; accedunt, quæq; per meatus ingeruntur, eius naturæ esse debent, ut amica sint, ut nec quicquam mutant alterentue, sed temperaturam, quæ proposita est, exacte tueantur.

Ad dissimilium quoq; partium æqualitatem conseruandam, has ipsas salubres causas posse, rei natura docet. dissimiles enim partes à similibus, hæ à primorum corporum temperamento constant. quo fit, ut seruata similiū temperatura, dissimiliū quoq; cōsistat maneatq; integra. At similes si in illa sua cōpositione illæse perstiterint, nihil exacte equalitati deerit, nisi ut earum debita conformatio, numerus, quantitas, & positus conseruentur. Conseruari autem hæc ab iisdem causis salubribus iam supra positis, & possunt & solent. nam cibus, potio, medicamenta, balneum, fomētum, frictio, aer, exercitatio, somnus, uigilia atq; id genus alia, alendo, augen-

augēdo, condensando, rarefaciendo, molliendo, indurando, leniēdo, exasperādo, stringēdo, laxando, partes similes in debita forma, numero, quantitate, & positu cōseruāt, ut uidere difficile nō est, cui cū his singularum caussarum salubrium uires effectusq; componere in animo est. Ergo qui partium dissimilariū æqualitatē tueri uelit, scire licet eum ad causas salubres recurrere debere: cum eo tamē, ut ne ab his solis eam conseruari credat. non enim satis est omnium salubriū caussarum rationem tenuisse, nisi etiam omnia quæ præter rationem occurrūt, uimq; membris contundendo, frangendo, incidendo, aut immodicè impellendo inferunt, auertere moliaris. De tertio compositionis genere, quod partes & seorsum & inter se compingendo est, eadem quæ de secundo, dicenda sunt. Eadem enim utriusq; conseruandi ratio est. idcirco ad eius æqualitatem tuendam, eadem quæ supra proposui facienda sunt, iisdēq; causis salubribus utendum est. Atq; ita de conseruanda in singulis compositionum generibus æqualitate ac sanitate, mihi iam

hi iam satis dixisse uideor.

Sequitur ut de præseruatione, secunda *ὑγιεινῆς* parte, quam Græci *πρὸφυλακία* uocant, dicam, nam ratio tuendi sanitatem, non in hoc solum posita est, ut æqualitatem conseruemus, sed etiā, ut antè retuli, ab aliquo imminente periculo præseruemus. siquidem præseruando, impendentem ualetudinis ruīnam anteuertimus; præcauemusq; ne corpus, cum in eo statu sit, qui nec omnino sanus, nec omnino aeger, sed neuter dici potest, quicq; ut functiones naturales non planè impedit, ita deteriores reddit, in aduersam ualetudinem corruat. Huic proinde parti pro scopo est, corpus ambiguum sensim alterare, atq; in pristinum mature restituere. unde scire licet hanc partē ab illa priorē manifestò discrepare, cum illi non immutare, nō innouare aliquid, sed quo statu accepit, in eo, nulla facta alteratione, corpus retinere curæ erat. quo fit etiam, ut ex toto aliud hic atq; ibi curationis genus sequendum sit. nam ibi similibus agebatur, hic cōtrarijs agēdum est. Etenim, uti alio loco diximus, conseruando similibus

libus ac secundis, alterando cōtrarijs atq;  
 aduersis opus est, sed ita tamen, ut in ὑγίᾳ  
 vñ sensim καὶ ἤτλ μικρὰ, in θοραπὸν καὶ cu-  
 mulatius καὶ ἤτλ μεγάλα alteratio fiat. Er-  
 go cui ingruēs malum declinare animus  
 est, is necesse habet, ut contrarijs contra-  
 ria q̄ ratione declinet. Cōtraria uoco, quę  
 sub eodem genere proximo sunt. neq; e-  
 nim magnum albo sed paruum, nec cali-  
 dum duro sed frigido contraria sunt. Ex  
 quo igitur æqualitatis genere lapsus est,  
 ex eodē petenda contraria sunt, ut si tem-  
 peratura frigida & humida fuerit, contra-  
 ria calida & sicca assumenda. Cæterum  
 cum ex temperatura aliqua duplici ratio-  
 ne labi contingit, puta uel auctis corpo-  
 ris membriue alicuius qualitatibus in cali-  
 dius, frigidius, humidius aut siccus, nulla  
 accedēte materia, quę huiusmodi qua-  
 litatem incutiat intendatue, unde actio-  
 nes deprauatiores ineptioresue reddan-  
 tur: uel materiæ quę refrigeret, calfaciat,  
 humectet, aut siccet accessione, citra ta-  
 men temperamenti aut substantiæ cor-  
 poris, membriue noxam: si qualitātū in-  
 cremento recessum fuerit, simplissima oc-  
 currendi



currendi indicatio est . nam si recessus ad frigidum sit, calfaciendum, sin ad calidum, refrigerandum, sin ad humidum, siccandum, sin ad siccum, humefaciendum, sin ad frigidum & humidum, calfaciendum & siccandum, sin ad frigidum & siccum, calfaciendum & humectandum, sin ad calidum & humidum, refrigerandū & siccandum, sin ad calidum & siccum, refrigerandum & humefaciendum . Verum quantum, ad quemue usq; gradum alterandum sit, cognitu difficile est, ut non dicam impossibile . Quantitas enim modusq; alterandi, à quantitate lapsus recessusq; sumendus est . At recessus quātitas sciri nequit, nisi certus quidā temperaturæ naturalis gradus exactè cognoscatur . gradus autem temperaturæ exacta cognitio, nō hominis sed Apollinis sanè cuiuspīa aut Aesculapij est, uti rectè Galenus scripsit . non tamē despondendus animus est, nec si certam temperaturæ rationem assequi nequeas, frangendus conatus . Etenim est quodam prodire tenus, si non datur ultra: siquidē ingenio atq; arte non contemnendam notitiam adipisci pote-

ris

ris: probabili cōiectura, sagaci ratiocinio ad cōmunia quædam artis ac naturæ con- fugiendo, quibus artis peritus imperitum superat, propiſsimè accedere datur. & quidem maximè, si cui mederis, tibi no- tum familiaremq; habes. Etenim is solus quantū in morbum quis ceciderit, quan- tum à naturali habitu declinarit, noscet, qui qua cōstitutione is fuerat cum sanus esset, seseq; secundum naturam habuit, non ignorat: isq; uelut Aesculapius alter erit. Sed qui id ignorat, lōgius discedere, atq; communia quædam consecrari ne- cesse habet. Quocirca, rectè meo quidem iudicio sapiunt, qui medicum aut domia- lunt, quemadmodū in Britānia nostra a- pud magnates atq; alios uiros nobiles ple- rosq; omnes ferè fit, aut amicitia uel mu- nere sibi cōiunctū habent. Sed quēadmo- dum, quibusq; indicijs ad temperamenti gradum propius accedendi notitia para- ri possit, & ante, per capita quædam ex Galeni libris De temperamētis, De arte medica, et nono De med. meth. diximus, & qua secundi libri parte de signis age- mus, abūdè exponemus. In præsentia hoc

tantum nouisse satis sit, quid agendum, ab  
 ipsa intemperie, quantum, à recessus quan-  
 titate indicari. Apparatus autem & mate-  
 ria, quibus hæc cōmodè perfici possunt,  
 ab ijs locis, quos supra de materia medica  
 tradidimus, repetūtur. Sed dum corpus,  
 ne à sua temperatura recedat, præseruare  
 uis, horum singula ita circumscribenda,  
 ita moderanda sunt, ut tantum trahant al-  
 terentūe ad contrarium, quantum reces-  
 sum esse coniectura assequeris. Idem de  
 præseruatione dissimilariū partiū com-  
 positionis, & tam similium quàm dissimi-  
 lium continuitatis præcipiendum, idem  
 agendum est. nam eodem modo & con-  
 traria sanè non lapsus generi solum, sed  
 speciei etiam applicandum, & alterandi  
 modum pro qualitate modoq; mali limi-  
 tandum, iisdemq; instrumentis seu caus-  
 sis salubribus, quas paulo ante percensui-  
 mus, utendum est. Verum ubi non quali-  
 tatum ipsius membri mutatarum ratio-  
 ne, sed materie alicuius, quæ id premat ac  
 suffocet, accessu affluxūe uitiata tem-  
 peratura fuerit, iam ut natura rei simplex  
 non est, ita nec alterandi atq; immutandi  
 indica

indicationes simplices erunt. Sed rei naturā expendamus, indeq; indicatiōes colligamus, singulaq; singulis cōponamus. Primò igitur affluxus est. ergo euacuandum esse indicatio est. nam contraria contrarijs semper emouenda sunt. Sed affluxus omnis uel partim iam fit, id quod ad partes maximè cōtrarias remotasq; auertendum, atq; inde euacuādum monstrat: uel partim factus est, & per proximas propinquasq; regiones educendum indicat. Ex quo rursum duplex affluxionis locus deprehēditur, alter à quo fit affluxus, alter ad quem. hic recipiens, ille mandans dicitur, quorum neuter uitio caret. nam prior mandat quod mandandum non erat, insequens recipit quod recipiendum non fuit. Quocirca, utriq; obsistendum, ut ne hic recipiat, néue ille mandet. quod percommode fiet, si affectibus (quorum ex signis cognitio est) unde hæc uitia oriuntur, remedia in cōtrarium adhibueris. uerbi gratia, si ex uasis laxis, apertis uel defluxus fuerit, ea quæ contrahant & corroborent: sin ex humore tenui, falso, atq; acri, ea quæ crassa faciunt, falsedinem acri

moniamq; retundunt, cuius generis sunt frigida & ἐμπλαστικά, admouenda sunt. Ad hæc, si humorib. euacuatis, affluxuq; prorsus intercepto, intemperies aliqua calida, frigida, humida, uel sicca, pro materiæ natura, ex affluxu in membro relicta sit, ea suis contrarijs tollenda, membrum roborandum, atque ad pristinum statum reducendum est. Ad hunc modum habes intemperiei cum affluxu uariam naturam. quam qui certa ratione, arteq;, ac non prout fors tulerit, remouere uelit, expeditior certiorq; ei ratio erit, quæ diuisione resolutioneq;, ex natura rei fit. Qua explicata, atq; in partes diuisa, apertæ, interstinctæq; medendi indicationes ultrò sequentur. Etenim natura rerum & indicationes, uno consensu iunctæ sunt & continentes. Proin, si inuoluta, si confusa, si indistincta res fuerit, inuoluta, confusa, & indistincta indicatio erit: quantumq; distinctioni rei, tantum indicationis inuentioni distinctio- niq; deerit, tātum citra medendi scopum medicus constiterit. Hæc ut apertius uideantur, quæ iam prius de intēperie cum  
fluxio-

fluxione diximus, exempli causa repetere in animo est, quò medicinæ studiosos ad rem ueluti manu ducam, atque à summis ad ima diuidendo, artem commonstrem. Summum ergo rei genus in temperies cum affluxu erat. ex quo prolicuimus indicationum summum genus, fluxus nempe euacuationem. illud rei bifariam rursus distribuimus, in affluxū materiæ partim fluētis, & partim fluxæ. Vnde aliæ duæ indicationes enatæ sunt, uidelicet, fluentis auersio & euacuatio ex loco opposito, & fluxæ euacuatio ex propinquo. Hanc tertia in fluxione sequebatur diuīsiō, puta membrum mandans quod ualidè expellit, membrum excipiens quod imbecilliter resistit, materiæ cōpia, tenuitas, acrimonia, falsedo, & uasorum latitudo. è quibus totidem prodibant indicationes, quarum prima erat, ut uis membrī mandantis refrenetur: secunda, ut membro excipienti robur addatur: tertia, ut materia multa quidem, per euacuationem subtrahatur, tenuis uerò, crassa reddatur, acris aut falsa, obtundatur: quarta, ut uasa dilatata constringantur.

His aliud quid, quod sæpè incidit, ex rei natura accessit, qualitas nimirum quædam atq; intemperies, etiam cessante fluxione permanens, membroq; inusta, atq; ex materia, pro suæ naturæ ratione modoq; cōtracta. Quam etiam sua, ultimaq; indicatio sequebatur, eius uidelicet ablatio. Cui quod ultimum in præseruando, atq; adeo in medendo est, membri scilicet in primum locū statumq; restitutio, consequens est. Ad hanc formam qui se exercuerit, atq; ex natura rerum probè diuisa, indicationum supellectilem sibi comparauerit, ad medendum, exiguo tempore magnum compendium faciet. Intra enim hæc, primæ præcipuæq; medicinæ partes sunt.

A præseruatione transitus ad correctionem est, quam Græci ἐπανόρθωσις nominant. Ei, quò sanitas alioqui lubrica, in stabilitate sit, immutandi, alterandi, atq; ad ueram æqualemq; temperaturam ducendi propositum est temperaturas tantum naturales sine affluxu, non ut præseruatio aduentantes, præterq; naturam constitutas, & illas uel seorsum, uel cum  
affluxu

affluxu: quarum utræq; ut naturales non sunt, ita hæc semper causas habent præter naturam uel redundantiam, uel malam qualitatem materiæ, uel initium membri aut uasorum, uti prius à nobis expositum est. Sed tamē cum præseruatione hoc habet commune, quòd circa status corporis naturales uersatur. hoc rursum proprium, quòd non, ut illa, præsentē corporis cōditionē tueri, sed præsentī non contenta, saniozem acquirere studet. Quocirca, si quis à primo ortu temperaturæ calidæ & siccæ, uel frigidæ & humidæ fuerit, aut in dissimilariū partium compositione uniuersum corpus, uel membrum aliquod nimis laxum, gracile, oboesum, asperum, leue, glabrū, setosum, maculis conspersum, aut hoc genus alio uitio notatū habeat, atq; emendari, adq; saniozem statum reduci studeat, hoc uniuersum erit huius partis quæ corrigendo est. Nec aliò spectat pars illa medicinæ quæ ornatu constat, quam Græci νοσηρικὴν appellant. At cū emendare nihil nisi alterando possumus, cōtrarijs, ut ante diximus, certisq; quibusdam indicationibus, quarum ope



& indicio rectè opus exequamur, opus est. Noscenda ergo primum temperatura est, eliciendumquæ calidó ne tantum, an calido & sicco, frigido, an frigido & sicco, aut alijs ad hunc modum qualitatibus uel simplicibus, uel coniugatis excedat. Dein, quātus ille excessus sit, quoad possit ab homine cognosci, coniectandū est. Ita enim, non modò quid agendum, sed etiam quantū agendum sit, protinus elucebit. Quibus perspectis atq; cognitis, mox rebus temperaturæ aduersis res agenda est, ut calidam frigidis, humidam siccis, frigidam calidis, siccam humidis refringas. Materiam autem atq; instrumenta ad id opportuna, ex locis causсарum salubrium, quos ante retuli, depromes, sed ita, ut ex ijs ea tantum asciscas quæ refrigerent si refrigerare, calfaciant, si calfacere, siccant si siccare, humefaciant si humectare studeas. Quæ, quemadmodum moderāda limitandaq; sint pro corporis corrigēdi natura, proprietate, moribus, consuetudine, atq; alijs id genus, suo loco abundè proponemus. Eadem corrigendi uitia in compositione partium dissimilariū

larium ab origine contracta, ratio est, distincta uidelicet, diuisaꝫ mali natura, atqꝫ ex inuentis causis indicationibusqꝫ, inductis cōtrarijs. Distingues autem, si ex quatuor compositionis huius generibus, forma uidelicet, numero, quantitate, & situ, in quonam uitium sit, animo cōquiras. Sed fac, exempli causa, in forma esse. At forma cum in quatuor species distribuitur, superficiem, figuram, cauitatem, & meatus, in quonam horum hoc quod quæris cōpositionis uitium sit, scrutator. Verum esto in superficie fluitare. Ergo aut in colore erit, eritqꝫ nigrū quod esset candidum uel cōtra, uel medio aliquo colore affectum: aut in modo substantiæ, eritqꝫ durum quod molle, asperum quod leue esse oportebat. At finge in colore uitium esse. quod si ita, quis color sit, quas causas habeat, curiosius circumspecto. Si candor, inqꝫ eo uitium sit, causa in humido corpore, cuiusmodi animalis est, frigus erit. Cum enim humor crudus crescit, albus euadit. Exemplo nix glaciesqꝫ sunt. Si in nigredine, causa erit calor qui humorem ad summa tractum adurit, ex quo

ex quo nigredo quēdā contrahitur. Cum humorem dico, sanguinem, sanguinisq; excrementum intelligo. Nam in animantis corpore cum calor superat, crudus humor nequaquam aceruatur. Ergo cum aduruntur, scire licet ea atra reddi, ut in ethiope cōspicuum est. Si in medio quopiam colore affectus sit, quanto is ad alterutrum extremum (albedinem dico & nigredinem) propius accedit, tanto alterutrius causſæ plus minusue habebit. Atq; hæc tam pilis quàm cuti communia sunt. Proinde, haud dissimiliter in utrisq; tollendus color, cum ex eisdem causis pronascatur. Diuisa atq; explicata ad hunc modum affectus natura, causſaq; inuēta, quemadmodum, quibusq; alterandi gratia rebus, ex genere uidelicet eorum quę cū illo affectu ex aduerso pugnāt (quorū apparatus ea sunt quę alio loco causſas salubres nominauimus, quas quemq; in numero habere uel maxime expedit) obuiandum malo sit, indicationes habes. At uerò si uitium quod corrigis non coloris, sed substantiæ modi, ut asperitatis, leuitatis, duritiæ, mollicieiue fuerit, & hic quoq;

quoque ad primarum qualitatum effectus con-  
fugiendum. Asperitas enim siccitatis, leui-  
tas humiditatis effectus est. At duricies  
& mollicies, per se quidem illa, à siccita-  
te, hæc uerò, ab humiditate fit. Quod e-  
nim suæ substantiæ ratione durum est, id  
statim siccum est: quod molle, humidum.  
Ex accidente uerò, quod plenum tensum,  
ue, ut uter, uel concretum cōgelatumue,  
ut glacies, dura dicuntur, ut & mollia ex  
accidente, quæ pleno tensoue opposita ra-  
tione respondent, quæque, ut cera, liquata  
sunt. Sed hæc alterius accessu, puta frigo-  
ris, aquæ, aut flatus, illa perpetuò, nullo  
accidente, dura molliaque sunt, nisi si for-  
san rei humidæ affluxu madeant molle-  
scantque, quo casu, ut non sicca, ita nec du-  
ra erunt. Habitis iam causas, sequitur ut  
ad affectum corrigendum accedas. Quod  
rectè consequeris, si contrariis qualitati-  
bus causas euertes, ut aspritudinis siccita-  
tem humefacientibus, leuitatis humidita-  
tem exsiccantibus, duricie per se quidem  
siccitatem, humidis, per accides uerò ten-  
sionem repletionemue, inanitione, con-  
gelatione calfactione. molliciei item per  
se hu

se humiditatem, siccis, per accidens inanitionem, repletionem, liquationē frigiditate discuties. Quòd si nō in superficie, sed si gura cōpositionis uitiū naturale sit, idq̃ in puero adhuc atq̃ infante, ossaq̃ (quorum figuram membra imitantur) ob id tenera molliaq̃ fuerint, ac leni frequentiq̃ pressu sequacia, corrigendi spes est. Nam si caput depressum, crus introrsum obtortum, aut in diuersum actum, brachium uē in alterutram partem distortum fuerit, facile emendabitur, si assidue leniterq̃ prematur, atq̃ ita in figuram contrariam sensim agat̃. Quod enim semel uiq̃ fit, rumpendi periculo non uacat. Sed si in cauitatibus meatibusq̃ uitium sit, adeo ut officio suo iusto pro corpore fungi nequeant, ut si capacitas uentriculi, partis ad pastum capeffendum conficiendumq̃ datę, iusto minor naturaliter fuerit, aut uenę sua natura iusto angustiores amplioresue extiterint, ne attentandam quidem correctionem censeo, quum nullo ingenio emendari posse existimē. Verum si nō secundum naturam, ab aliqua caussa aduentitia, ac præter naturam cauitas meatusue

male

malè habet, facilis est ad pristinum restitutio. Sed hoc non corrigendi, sed curandi partis est, de qua secundo libro copiosius dicam. Sed age, da compositionis uitium in numero non forma esse, abundareq; aut deficere membrum, idq; ex eorū numero quæ aut ab ortu ex semine, aut quotidie ex sanguine generantur. Si ex ijs quæ ex semine ab ortu nascuntur quid defecerit, ut digitus, nervus, uena, frustra emendare studebis. Si abundauerit, expedita correctio amputatio est. Sin uerò ex ijs quæ indies sanguine alimentoq; generantur pars fuerit, siue abundauerit, ut si pili suis locis, ut mento, capite, plures q; aut expediat, aut uelis, extiterint, aut nō suis locis, quod nolles, erumpāt: siue defecerit, ut si suis locis iīdem non habeantur, aut pauciores quàm aut deceat, aut cupias, cognitis sublatiſq; causis, malo arte occurrere in procinctu est. De causis autem, atq; ratione ortus pilorum ita habeto: pilos terrestres planè ac crassæ naturæ esse, atq; ex uaporibus alimenti excrementosis generari, perq; occulta cutis spiramēta teretes pro meatuū natura erumpere

pere, foris extraq; cutim congelari, atq; à radice semper latenti incremēto auctos, tandem in longum, si id locus postulat, extendi, colorem autem pro uaporum natura sibi acquirere, ut si biliosi fuerint flauum, si adusti nigrū, si sanguinei ruffum, si pituitosi album: sed sui copia ibi diffluere, ubi meatus neq; adeo patefcunt ut uapores, qui exhalāt, diffipentur, neq; adeo conuiuent, ut nihil permeet, sed ad utrunq; mediocriter se habent: & ijs hominibus, ijsq; corporis locis, quibus tum excrementi copiosi, tum caloris ualidi satis existit. Ergo ubi pilorū copiae detractum uelis, hirsitudinemq; corrigere studes, meatūsne, an excrementum, an calor, an ex his plures, an omnes in caussa numerosi pili sint, ex eorum signis aucupaberis, atq; pro caussarum numero & ratione, indicationes inuenies. Si enim alimentum plurimum, excrementaq; multa in corpore fuerint, partius alendum, excrementaq; educendum esse indicatio est. Quod dum facis, per locos caussarum salubrium, ex quibus agendi materia suppetet, discurrendum est. Sin meatus

tus mediocres, aut rarefacientibus amplios, aut contrahentibus angustos reddemus, idque pro corporum natura. Si enim pilii tenues, lanuginosique fuerint, à tenui uapore, debilique calore prognati, rarefaciendi potius meatus, ut uapores illi tenues conferim erumpentes dissipentur. Si crassi rigidiqque, à uapore crasso, & calore masculino enati, rebus frigidis, ut quæ cōstringendi uim habent, citius utendum. Constrictione enim uiarum, uapori crasso iter præcluditur: frigore uerò, & materia re-percutitur, & caloris uis obtunditur. Ac si caloris uehementiâ potissimè in causa pilorum esse, ex signis conceperis, eam retundes his quæ frigiditatem inducunt, materia ex locis causarum salubrium deprompta, ut cibo, potione, pharmaco, linimento, unctione, aeris alteratione, atque regendis corporis animique motibus, ut quibus corpora recalescunt, moderatione. Ac si unà omnes tres causæ cōuenerint, tribus simul remedijs repellendum est. nisi maioris medicamenti quibusdam, ut auripigmento, calce, chrysocola usta, atramento sutorio, cadmia, pice Hispana, d & alijs



& alijs id genus, pilorum radices corrum-  
 pendo, trita & peruulgata uel balneato-  
 ribus ratione, idem moliri. Sed ea saepe ua-  
 na esse solet. nam ut pili cito cadunt, ita  
 cito renascuntur. nec in effectu perpetuò  
 medicamēta ea sunt, nisi in molliculo de-  
 licatoq; foëminarum corpore. Verum  
 si non coercere, sed producere pilos stu-  
 dium est, contraria prorsus ratione agen-  
 dum est. Glabrities enim causas cum hi-  
 spiditate ex diametro pugnantibus habet.  
 Proinde, remedia cōtraria adhibēda sunt.  
 quibus explicādis, cum ex cōtrarijs prius  
 cōmemoratis intelligantur, (contrariorū  
 enim cōtraria sunt cōsequētia) diutius im-  
 morari nō est cōsiliū. Iam uerò, quæ ratio  
 generandi ac prohibendi pili est, eadē pi-  
 lorum numerum augēdi diminuendūq;  
 plures pauciorēsue faciēdi erit, nisi quòd  
 hic modicis, mitioribus, partioribusq; ge-  
 nerantibus, si augere, prohibentibus, si di-  
 minuere studes, utendum est. De pilorū  
 defluuio ex affectu præter naturam, uti  
 morbo gallico, cum non corrigentis, sed  
 reficientis partim, partim curantis est, ni-  
 hil dico, sed in suum locū reijcio. Sin uerò  
 quanti-

quantitas in uitio sit, ut si membrum aliquod maius minusue sit, quàm aut usus, aut decor postulat, causa mali expiscanda, extirpandaq; est. qua ablata, uitium unà tollitur. Causa autem magnitudinis, uel est caloris concoquentis ac dilatantis copia, uel alimenti ubertas, uasorum amplitudo, uel ipsum alimentum, dum copia moleq; sua membrum attollit distenditq;. Si igitur membri calor, uasorumq; amplitudo (quæ in corpore secundum naturam comparato se mutuo consequuntur) magnitudinis causæ fuerint, reprimantibus frigidis, contrahentibusq; corrigendum, ut frigiditate calor hebetetur, contractione uasa coarctentur. Sed quandoquidem exquisitè frigida & constringentia nulla ferè extra crassam substantiam inuenire est, quæ tenuissimæ substantiæ sunt admiscebimus, ut quod per se nō possit, per aliud in intimas partes peruadere possit. Quo in genere primas partes aceto tribuo. Id enim & tenuissimarū partium, & frigidum est, etsi non exquisitè. nam partes quasdam putredinis ratione calidas habet. Quare, ad rei magnitudi-

d    2    nem

nem comprimendā, rebus frigidis & contrahentibus acetū affundito : idq̃ uel antiquorum medicorū exemplo, qui cum in puellis mammarū, in pueris testiculorū granditatem cohibere uoluerunt, cum faba lentem ex aceto superimponebant. in illis enim refrigerandi, exsiccandi, & constringendi uis inest : aceto uerò, præter hæc omnia, quæ insigniter insunt, etiam penetrādi uirtus excellenter adest : cuius hic uel maximus usus est, quò uidelicet in corporis usq̃ penitiores partes, facultates, quæ refrigerando, exsiccando, & constringendo sunt, se insinuent, ut tum calor retundatur, alimentū exsiccetur consumeturq̃, tum uasa quæ ea loca occupant, constringantur. Hæc, etsi eius medicinae partis sunt quæ de componendis medicamentis est, profunt tamen, nec ab instituto aliena sunt, cum in exemplum ex ijs caussarum salubrium locis, quæ foris adhibentur, adducta sunt. Succedunt quæ intro assumuntur. Inter quæ, ex cibariorū ac potionū generibus ad rem præsentem ex usu ea sunt, quæ refrigerant, contrahunt, ac minus alunt; ex medicamentis

mentis, quæ aluū, urinam, aut sudorem, prout horum aliquod membro corrigendo magis conuenit, mouendo sunt. iam, ex ijs quæ & intro assumuntur, & foris accedunt, aere frigido hic uel maximè opus est. Ex ijs quæ neq; intro neq; foris, labor multus, multaq; uigiliæ, & huius naturæ reliqua, quæ studiosus quisq; ipse per se, percensere facile potest, (nam singula persequi, & molestū & longū esset) utilissimæ sunt. Notis iam causis, quæ mēbrū extendūt magnūq; faciunt, membri exilis atq; gracilis tū causæ, tum corrigendi ratio nota est. Contrariorum enim (utī dixi) contrariæ causæ sunt & remedia. Quapropter, si magnitudinis causæ calor copiosus, meatus ampli, & alimentum plenius fuerint, gracilitatis, calor q̄ pro eo ac esse debet minor, alimentū exiguum, & meatuum uasorumq; angustia causæ erunt. Sin ibi refrigerantibus, exsiccantibus, & contrahentibus usus es, hic quæ calorem augeant, ad membrum trahant, plenius nutriant, ac meatus distendāt utendum erit. Quorum sylua, ex causarum salubrium locis, ob crebram

nunc repetitionem nulli non notissimis, petenda est, sed præcipue, ex ijs quæ foris adhibentur: cuius generis sunt dropaces, sinapismi, & quas Græci, *πρωσος*, uulgus, picationes, quod ex pice augendus locus oblinitur, nominant: ex ijs quæ neq; foris neq; intro accedunt, ut gracilioris partis exercitatio, sed moderata quidē illa. Nam moderata calorem innatum auget, bonum corporis habitum reddit: immoderata cōtra, refrigerat exsiccātq;. Eadem quoq; ratio in ijs quæ foris applicantur habenda est. Nam si dropaces, picationes, atq; sinapismos ultra debitum loco applicatos siueris, non modò non augebitur locus, sed etiā exsiccabitur, alimentum dissipabitur, spiritus digerentur, ac membrum frigidius, siccius, graciliusq; quàm pro naturali constitutione atq; habitu, reddetur. Vsq; eò igitur permittenda hæc sunt, quò locus rubescat, intumescatq;. Rubor enim caloris, tumor alimentisatis esse attractum, indicat. Demum, si compositionis uitium, quod corrigere contendis, non forma, non numero, nec quātitate, sed situ fuerit, ut si ex articulis aut

aut nimium laxis, aut nimium compressis, motus, functionesque ineptiores deteriorisque fiant, cognito laxitatis causam exuberantem humiditatem, compressionis nimiam siccitatem contrahentem existere, petitis ex materiae medicae locis, potissimum istis quae foris applicantur, instrumentis, rebusque ad id opportunis, quae laxa contrahant, compressa humefaciant, corrigemus. Et haec de castigandis, quae in compositionis inaequalitate sunt vitij naturalibus. Nunc ad tertium inaequalitatis seu distemperamenti genus, quod partibus similaribus ac dissimilaribus commune est, continui uidelicet solutionem ueniendum fuit, nisi quod non ad corrigendi sed curandi partem id pertineat. Non enim naturalis affectus est, quem ad habitum rectiorem ducere conveniret, sed ex toto genere praeter naturam est, functiones manifeste offendens. Quare, inter morbos collocandum, atque hoc loco praetermittendum est. Itaque, de corrigendis per omnia compositionum genera ( quatenus id fieri potest ) vitij naturalibus, his mihi, pro methodo uniuersali, abunde dictis, ut

ad reliqua oratio se conuertat, iam tempus suadet.

Igitur quoniam de tribus *ὕγιδνῆς* partibus dixi, consequens est ut de quarta scribam, ea uidelicet quæ Græcis *ἀνάληψις*, latinis resectio dicitur. Estq; cum corporis ex ægritudine cōualescentis, atq; dum imbecilli, ita tamen ut nec ægrū dici possit, cum iam in morbo nō sit, nec ualens, cum ad functiones obeundas etiamnum sit impotens, uires ex morbo exacto fractas afflictasq; solamur, ac reficimus: id quod huius partis solum atq; à cæteris peculiare est officium. Nam hoc genus corpus, nec conseruandum est, cum præsens conditio immutanda sit, nec præseruandum, cum periculum recessit nō ingruit, nec corrigendum, cum uitium naturale nullum est. In hoc tamen pars hæc cum correctione, atq; item curatione conuenit, quòd circa præsentem corporis cōditionem elaboret: ut in hoc rursum ab utrisq; differt, quòd non id agit, ut naturali temperaturæ habitum saniozem inducat, ut correctio: nec ut affectum præter naturam faciū iam & permanentē, ex quo actio-

actiones lædantur leuet, ut curatio; sed ut uires ex præterito non præsentī morbo conquassatas, atq; ad functiones inhabiles factas, exhibendo ea quæ ex usu sunt, quo aliquid, uti robur, corpori accedat, decedat nihil, foueat, refocillet, reparet. Ex quo rursus non obscuro discrimine à præseruatione & conseruatione uariare internoscitur, cū hæc non ut præsentem corporis conditionem resarciat, sed tueatur, illa ut præsentem negligit, ita ut futurum impendensq; malum præcauendo auertat, incūbit. Atq; ita quidē similis dissimilisq; cæteris tuendi sanitatem partibus resectio est. Reficiendo uerò pulchrè erimus, si, ut ante semper, ex natura rei exordium capiemus, exq; ea bene cognita & diuisa, indicationes hauriemus, & earum nutrū inditiūq; rectè secuti fuerimus. Rei aut naturā ex causis discemus. Tum enim unūquodq; scimus, cum causas norimus. Hic ergo res, robur, tenor, in agēdoq; cōstātia ac firmitudo est. Sed hæc à facultate procedit. facultas ex sede quadā seu fonte nascitur. Vnde igit agēdi facultas, ex eo uis roburq; promanabit. Quo fit, ut, qui



roboris cauffas cognitās habere uelēt, ut facultatum fontes fedesq; habeat perſpectas, expedit. Sed cum fedes, facultas, atq; actio, tria hæc, mutuò alia ex alijs pendent, cæteras illas ex actione, re nobis omnium notiſſima, haud indiligenter uenemur. Eam autē triplicē eſſe, uel oculis capere eſt. Videmus enim corpus ali, auge-  
ri, ſpiritū trahere atq; reddere, uarijs modis agi, uario ſenſu uti, tria q; hæc actionū genera, à ſe genere interſtingui. Quamobrem, à facultatibus tribus genere diuerſis oriantur, neceſſum eſt. Quarum, quæ primum actionis genus producit, naturalis, quæ ſecundum, uitalis, quæ tertium, animalis ab effectu dicitur. Harū rurfus fedes tres, ob id etiamnum & ipſæ diuerſæ, ſunt. Nam iecur, naturalis, cor uitalis, cerebrum animalis fedes eſt. Quæ, quemadmodum ſeſe habeant, ut maſculas, ualidasq; facultates producant, ex tribus compoſitionum æqualitatumq; generibus repetendum eſt. Pro ratione enim ſimilarium partium temperaturæ, diſſimilarium compoſitionis, & utrarūq; unionis, ualetudo aut inualetudo mēbrorum ſediumq;

sediumq; erit. Ex quibus rursum pro ratione, facultates ualidæ aut secus, uiresq; efficaces aut debiles procreantur. Sed ad hæc agēdi munia obeunda, ut ex se sedes illæ non sufficiunt, ita alijs instrumentis opus perficiūt. Ea partim omnibus communia, partim cuique sedī priuata sunt. Communia sunt, calor insitus, spiritus tum animalis, tum uitalis, tum naturalis. Quorum, calor insitus, à spiritu uitali fit. à quo uicissim spiritu per arterias sursum elato, atque in reticulari plexu elaborato, animalis spiritus generatus, in cerebro tanquàm arce confidit, unde per neruos, (nerui enim à cerebro tracti ac perfecti, in corpus omne ducuntur) in uniuersum corpus diffusus, animalem, hoc est, mouendi sentiendiq; facultatem præstat. At uitalis, ex attracto spiritu, sanguinisq; tenui subtiliq; parte genitus, in corde domicilium habet, atq; ad reliqua corporis membra per arterias amandatus, uirales actiones concitat & producit. Porro, naturalis spiritus, si quis sit, uti cæteri, ex corde ortus, in iocinere uenisq; principatum tenet, ac functiones naturales, attrahen

trahēdo, retinendo, cōcoquēdo, alendo, expellēdoq; efficit. Priuata sedī cuiq; sūt, quę officio aliquo cuiq; ministrāt: ut cerebro, nerui, musculi, dū sensum motūq; corpori largit: cordi pulmones, arteriæ, dū uitam confert: iocineri uentriculus, intestinum tenue, uenæ meseraicę, quę corpori alimentū conficiēdo præparāt: intestinū plenius, uesica bilis, lienis, ren uterq;, quę excrementa excipiūt: uena caua, atq; alię ab ea enatę, quę nutrimentū in omnes partes deferūt: in summa, omnia corporis mēbra, quę alimentū delatū exactius concoquūt, sibi q; quā simillimū faciūt. Quocirca, ut uires atq; facultates, (quę in spiri-  
tibus & solidarū partium tēperatura positę sunt) ad functiones robustius præstandas firmę cōstantesq; sint, summa cura opus est, nō modò ut tria illa facultatū principia atq; sedes nihil habeant præter naturā, suasq; æqualitates cōseruent tutenēq;, sed etiam ut instrumēta iisdem omnibus communia, calor uidelicet innatus, spiritusq; omnis generis, nec qualitate, nec quantitate à natura recedant, atq; alia illa singulis propria, à suis æqualitatibus nec  
tempe

temperatura, nec compositione, nec compage ac unione secedāt. Omnia enim naturæ regula metienda sunt, ut optima sanitas, plenæq; vires consent. Quamobrem, si horum aliquo, omnibusue laboratum fuerit, idq; vitium ad statū usq; præter naturam, actionumq; læsionem se sanè proferet, morbus statim erit, curandumq; est. Sin infra constiterit, deterioresq; tantum, ac deprauatiores actiones reddiderit, præseruandum est. Sed si non ex præsentī causā, sed ex præterito morbo factum sit, ut facultatū viriumq; (quæ morbo fractæ imbecillitate elanguescūt) in uitam officia minus constēt, idq; quoniam ab inæqualitate in primis instrumentis ut corde, cerebro, hepate: aut secūdis, siue cōmunia, siue particularia ea fuerint: aut utrisq; uitabatur sanitas, atq; ex uitata sanitate facultates conciderunt: ex quo virium imbecillitas promanauit, reficiendum est. Sed huius inæqualitatis seu imbecillitatis ratio atq; causā, ex resoluta corporis substantia inanitio est, à morbo exacto nata. Ex ea enim in instrumentis, ac facultatum sedibus, inæqualitates, ex  
his

his deterior sanitas, ex qua imbecillæ functiones oriuntur. Sed inanitio hæc, ut nec morbi unde nascitur, una non est. Vt enim morbi pro sua uehementia, symptomatum sæuitia atq; grauitate, aut contra, temporis spatium quo male habuerunt, aut partium siue animalium, siue uitalium, siue naturalium, quas infestant ratione impendio uariant, ita inanitiones uariæ, uarij q; imbecillitatum modi erunt. Cæterum ex his, quæ quibus grauiores peioresq; sunt, ex facultatibus, quas  $\psi\chi\alpha\varsigma$ , id est, animas, Plato nominat, usu atq; dignitate nosces. Grauiores enim sunt quæ ex his facultatibus dependent, quæ læsæ maiora grauioraq; incommoda corpori inferunt, quàm cōtra: ut uitali naturali q; quàm animali. Nam animali in sensu & motu posita, etsi priuari graue est nocumentum, id tamen non ita in omnes partes latè se diffundit, ut propterea facultas uitalis atque naturalis grauius lædantur. At si uitalis, quæ in corde est, ubi etiam spiritus, actionum instrumēta, generari diximus, lædatur, ut uniuersum corpus periclitat, ita si naturalis laborauerit, aut corpus ἀποθνήσκει, uitio

uitio quo corpus non alitur, extabescit; calor naturalis intercідit, temperamentū perit: aut spiritus, quos à puriore sanguine fieri ante retuli, non sine totius corporis uiriumq; dispendio cadūt, exhaustoq; corporis succo, prae nimia ariditate absumentur. Itaq; imbecillitatis momentum, ex facultatum læsione pensitandum, læsioq; in ipsis ne facultatum sedibus, an secundis instrumentis consistat, inspiciendum est. Grauius enim periculum est, malumq; latius serpit, si primæ sedes, ut cor, cerebrum, iecur affectæ sunt, quàm si instrumentum aliquod solum læsum fuerit, extra cuius ut plurimum fines, ad uicinas partes morbus non se profert. Quod nō ignorare medicum, non mediocriter iuuat. Ergo, cum uires exhaustæ reficiendę fuerint, omnesne facultates, an plures, an una defecerit, accuratè perspicito. Perpendendū dein, utrū defectus ille ex morbo natus sit, læsa una, una atq; altera, tertiāq; sedium, an ex secundorū instrumentorum aliquo præter naturam affecto, ita ut una tantum parte, ac nō uniuerso corpore imbecillitas facta fuerit. Posiremo, quamnam

quænam huiusce imbecillitatis, siue totius corporis, siue partis, causa fuerit, cum primis æstimandū. Si enim inæqualitas in tēperatura calidi, frigidi, humidī, uel sicci in causa fuerit, contrarijs rebus oblistendum, quorum materia ex causarum salubrium locis depromenda est. Sin autem in compositione, quæ propriè resectoriæ partis est, causa fuerit, in diminuta quantitate erit. Cæteræ enim compositionis species, therapeutices potius sunt. Sed ex quantitate diminuta, imbecillitas triplici de causa euenire solet, solidorum membrorum siccitate, spiritus & sanguinis nimia euacuatione. Præ siccitate enim, membra ad omnia officia tum uitalia, tum naturalia, tum animalia ineptissima sunt. Neq; enim calor membri, qui temperamentum sequitur, exiguus iam ac penè siccitate exolutus, à calore naturali exuscitari, uiuidusq; ad uitales operationes exercendas reddi potest: neq; deficiente calore, aut attractio aut retentio, alteratio, aut concoctio, expulsio, aut assimilatio fieri potest. Iam, quæ sicca sunt, dura sunt, quæ dura, motui inepta sunt:

utq;

utq; motiux uirtutis imperio parum audientia sunt, ita sensitiuam minimè admittunt. Quare, præterquam quòd sensim extenuata, macie conficiuntur, iure infirmantur etiam, atq; ad opus peragendum segniora redduntur. Nimia autem sanguinis spiritusq; euacuatiõe, siue à causâ intrinsicâ ac naturali, siue extrinsecâ & præter naturâ eâ fuerit, uires concidere, nulla in re membro graciliori effectio, consue runt: tum quòd spiritus omnibus agendi facultatibus communia instrumeta sunt, sine quibus facultates nihil possunt, tum quòd in sanguine spiritus continentur. Spiritu igitur digesto, exhausto uè sanguine, ex cuius tenuissima parte spiritus produci diximus, nihil mirum uideri debet, si membrorũ firmitudo collapsa prosteratur. Ex his itaq; causis per signa cognitis, ac probè inter se discretis atq; interstinctis, ubi reficiendum quid sit, reficendi indicationes, causarũq; salubriũ syluẽ nusquam nõ se offerent. Si enim spiritus tantũ, nullo effuso sanguine, ex uehementi quidem, sed breui euacuatione, ut defensione, aut uenere digeruntur, cibi qui  
e facile



facile concoquantur, ac multum alant, exhibendi sunt. Potiones item eiusdem generis, inter quas prima laus uino fuluo, tenui, aromaticoq̃ datur. Id enim alendi facilitate omnia alia antecedit, q̃ substantiæ tenuitate tum citissime in partes subit, tum pro spiritibus generandis excellenter facit. Ad hæc, aer esto perflatur salubris, liber, odoribus gratus. Nam uix dici potest, quantum odoris gratia spiritus recreentur, refocillenturq̃. Adsit præterea quies, somnus, iucundus lætusq̃, decussis ex animo curis ac molestiis, cum amicis congressus. Vix enim fieri potest, ut post hos modos, hanc animaduersionem, spiritus uiresq̃ non sequantur, maxime, si corpus quod reficis ætate integrum iuuenileq̃ fuerit. Etenim in hoc, ut spiritus citissime dissoluuntur, ita citissime reparantur. Sed si unà cum spiritu sanguis quoq̃ copiosus emanarit, ut in hæmorrhoidæ, fluxu muliebri, atq̃ è naribus sanguinis profluuio, tanto obnixius incumbendum est, quanto maiori negotio sanguis quàm spiritus generari cōsueuit. Hic ergo omnia eò referenda, ut sanguinem

nem reponas. Id autem rectè assequeris, si corporis conditionem probè intueberis. Etenim ex diminuto sanguine, corpora omni ex parte, tam principe quàm secundaria frigescent. Quod autem frigidum est, ad cōcoquendum ineptum est. Quocirca, pro caloris modulo, cibi qui facilis concoctionis, pleniorisq; alimenti sunt, modus, qualitasq; proponenda est. Ut enim modicum, & suis uiribus aptum calor modicus probè conficit, ita pleniori quàm pro eo ac natura sua fert, facile succumbit. Huc faciunt somnus, animi motus, sed qui naturæ rationem non excedant: exercitatio etiam, sed moderata quidem illa, ut calfaciat tantum, nec resoluat. Sin siccitate corpus squaleat, nō quidem illa tabidorum arida, quæ ne curationem quidem, tantum abest ut refectionē admittat, sed qua membrorū solidorum, quæ ex semine generantur, caro, adeps, sanguisq; exoluuntur, ut à longis morbis ac peracutis euenire solet, siccitatem amouere conandum est. Sed id opus laborq; est, utiq; cum substantia cordis sicca euaserit, Proinde, non infimum, immo

præcipuum reſectoriæ partis officiũ eſt, membra ſolida, ubi exſiccata fuerint, ad ſuam naturam reuocare. Nõ enim in ſpiritu atq; ſanguine tantum, ut facultates, earumq; functiones ſerues, firmes, reparẽſue poſitum eſt, ſed in membrorum illorum principum quoq; ubi illa ſedes habent, unde fluunt, à quorũ temperamento originem ducunt, æqualitate. Itaq; dandus cibus potioq; eſt, qui facilẽ copioſeq; alat, ſed tamen ſemper pro caloriſ modo, ne alioqui multitudine oneretur, nimia copia obruatur. Proin, ſi quod dederis, iuſto minus uidebitur, iterandum eſt, ut numero, uicibusq; repetitis ſuppleas, quod quantitati iuſtæ, plenæq; moli, caloriſ ſeruandi cauſſa, ſubtraxeras. Satiuſ enim eſt, cum ſalute paſtum diuidere, quàm cũ periculo cumulatẽ, plenẽq; capere. Sed quandoquidẽ nõ raro uſu uenit, ut membra exſiccata uſq; eo deficiens calor infirmet, ut nec attrahant, nec conficiant, ſtudendum eſt ut aucto calore, facultates naturales roborẽtur, quò attractio & retentio, concoctio & expulſio, ſuo queq; tempore, fiant. Calor autẽ augebitur, ſi mediocri

diocriter fricueris, non à cibo modò, sed ante cibum etiam, leuiterq; ungas ex medulla uitulina, ex oleo camemalino, sesamino, & amygdalino, sed ex dulcibus illis amygdalis expresso, butyro recente, atq; alijs id genus, blandeq; linteis modicè calentibus, tum præcordia, tum uniuersum corpus citra quietem foueas. Dropaces etiam, atq; sinapissimos, sicubi opus erit, adhibeas licet. sunt enim emplastra, seu cerata, ex rebus calidis & succis in tertio confecta, quæ loco cui apponuntur, non modò calfaciendî, sed aliunde quoq; & calorē & alimentū attrahendî potestatem habent. Verū, hæc qualia sint, unde cōponantur, quemadmodū applicanda sunt, quamdiu permittenda, ut Galenus & Paulus Aegineta abunde docent, ita nostri instituti non est ea persequi, singulorum morborum apparatus instruere, atq; medicamenta confectari, sed uniuersorum methodum tradere. Illa enim, mendendi methodo plenè cognita, sponte plenâq; manu sequentur. Idcirco, ea missa faciam, atq; ad curationē, secundam medicinæ partem, ueniam.

# IOANNIS CAII

BRITANNI DE MEDEN

di methodo liber II.



ΙΧΙ ποὺ ὕγίει  
vñs, prima me-  
dicinæ parte,  
quæ ualitudi-  
ni tuendæ est,  
nunc ἀδὸς  
ποικίλῃ, se-  
cundam, qua  
præsentē mor-  
bum, & iam

nunc urgentem affligentemq̃ summo-  
uemus, transeundum est. Summouebi-  
mus autem quàm optimè, si naturam rei,  
hoc est morbi, cognitam perspectamq̃ ha-  
buerimus. Quanto enim à morbi co-  
gnitione longius recesseris, tanto inter-  
medendum aberrabis. At uerò præci-  
se morbum nosces, ubi quas causas ha-  
beat, quibus signis deprehendī possit,  
probè tenueris. Etenim cum tria ex to-  
to sint, quæ cum natura nostra pugnant,  
caussa

cauſſa , morbus , & ſymptoma , cauſſis , quæ ſemina , & ſymptomatibus , quæ ſigna morborum ſunt , cognitis & perpenſis , nullo negotio in morbi cognitionem deuenire poſſis . Quare , ut antè de his , quàm de morbo , dicam , natura rei ſuadet : & primo de cauſſis , mox de ſignis . Cauſſæ , aut internæ ſunt , inq̃ ipſo corpore noſtro natæ , ut ſanguis , pituita , utraq̃ bilis præter naturã affectæ : aut externæ extraq̃ humanum corpus poſitæ , ut frigora , æſtus , uenena . Primas *πρωτης μεις* , alteras *παραταρκτηκας* Græci nominant . Et hæc quidem affectus ſunt præter naturam , qui morbum præcedunt excitantq̃ue . Symptomata uerò , affectus præter naturam ſunt , qui morbum conſequentur . quibus ob id *ὑπογυμνατ* & etiã nomẽ à nonnullis olim medicis inditum fuit . Hæc tripartito diuiduntur . Etenim aut functionum offenſæ , aut corporum affectus , aut excrementorum immoderata excretiones , uel ſuppreſſiones ſunt . Functionum rurfus offenſæ , pro facultatum ex cerebro , corde , & iocinere ratione , trium generum ſunt , animaliũ , uita-

lium, & naturalium. Offenduntur autem actiones tripliciter, idque ita, ut aut debilitate, aut deprauate, aut omnino non agant. Ergo animalium functionum offensae, aut sentiendo sunt, ut cum uel nullus, uel hebes, uel deprauatus uisus, auditus, gustus, odoratus, uel tactus sit, idque patiente uel praecipuo sensus instrumento, uel uirtute, uel parte famulante: aut mouendo, ut cum membrum aliquod uel difficulter, uel omnino non mouetur: aut principaliter agendo, utique ablata, labefactata, uel deprauata imaginatione, ratione, uel memoria. At naturalium functionum cum facultates quatuor sint, attractrix, retentrix, concoctrix & expultrix, quatuor etiam offensae erunt, nulla, debilis, uel deprauata attractio, retentio, concoctio, & expulsio. Caeterum uitalium functionum offensae duae sunt, cadentes animi seu *ληποθυμία*, & *ασφυξία* *κακοσφυξία* ue, id est, nulli uel deprauati pulsus: quae duplici suae facultati respondent, animosae uidelicet ui, seu animi constantiae & firmitati, quae Graecis *θυμός*, latinis animi dicitur, & alteri illi, quae ut a corde promanat, ita cordi cum arterijs communis

nis, pulsus auctor est, atq; in corpus omne per easdē delegata est. etsi non ignorē Galenum libro De differentia febriū tertio, & Sympto. causis quarto, pulsū inter functiones naturales numerasse, credo, quòd non arbitrium nostrum, sed naturā in agendo sequatur, non q̄ uitalis facultatis functio nō sit. Post actiones læsas, proximi, corporis affectus sunt. Hos in quatuor genera dispertimus. Nam alios uisu, alios olfactu, alios gustu, tactu alios usurpamus. Visu, ut colores omnis generis præter naturam constitutos, qui aut unū membrū, ut ex carbunculo ater, aut plura, eademq; uel superiora omnia, uel omnia inferiora, ut sæpe ex morbo fit, aut uniuersū corpus, ut ex arquato croceus, defœdarūt. Olfactu, ut fœtores narium, aurium, alarum, putrescentiumq; partium; ructus item putidī, qui fumum, acorem, uirus, aut piscem olent. Gustu, ut sanguinis laborantis ore redditi dulcedo, falsedo, amaritudo; aut sputi, auris sordiū, sudoris, uomitūsue sapor falsus, acidus, amarus, dulcis, austerus, idq; excellenter aut remissē. Tactu, ut cutē esse præter



naturam tensam, duram, aridam, laxam, aut rugosam. Vltimæ sunt excretiones aut suppressiones, quæ secundum naturam non sunt, excrementorum. Eæ triplices sunt. Aut enim à natura toto genere alienæ sunt excretæ substantiæ ratione, aut quantitate, aut qualitate. Substantiæ ratione, ut fluxio sanguinis è naribus ex uena uel rupta, uulnerata, patula, uel exesa; sanguinis item, uomitu, tussi, sreatu, deiectione, uel mictu excretio. Quantitate, ut mensium, urinæ, sudorum immodicum uel nullum, uel iusto minus profluuium. Qualitate, ut cū alui, uel icæ, locorum uel muliebrium purgamēta prætenuitate non cōsistunt: acrimonia, mordacitateq; sua fluxum sollicitant: aut contra, ubi tam iacenti sint qualitate, ut nihil prorsus stimulent. Hęc symptomatum omnia genera atque capita sunt: quæ qui mente repetet, uberem signorum copiā, quæ morbum, etsi altè repositum, detegant, semper in promptu habebit, siue παθογνωμονικὰ, σωεσθδύοντα, uel ὑδιφαενόμνηα seorsum, siue iunctim uelit. παθογνωμονικὰ uoco, quæ unà cum morbo inuad

inuadunt, ut cum lateris doloribus acuta febris, spirandi difficultas, tussis, puncta quædam: nec separari possunt, ut nec umbra à corpore. Quorum ea natura est, ut omnia iuncta, necessario morbum arguant. Quanquam subinde etiam unum solum id præstat, quemadmodum rigor uehemēs, aut punctio tertianam febrem.

Συνεσθδόντα nomino, quæ modò cū morbo inuadunt, modò superueniunt morbo, modò nè omnino quidē se ostendunt, tantum abest ut necessitate aliqua, quemadmodum παθoγνωμονικά, coniuncta morbo sint. Plerunq; tamē incidunt. Huius generis, ubi lateris dolor torquet, sunt dolores, uel ad præcordia, uel usq; ad iugulum, in latus patiens citius quàm sanū cubandi dulcedo, sputi screatus. Επιφανόμενα appello, quæ morbum consequuntur, ita tamen, ut siue eueniant, siue secus, promiscuè se habeāt, cum nec necessaria sint, uti παθoγνωμονικά, nec familiaria atq; sæpius incidētia, ut συνεσθδόντα, aliquando tamen se exerunt. Exemplo erit alui fluor in præfata pleuritide. Atq; ita se habent signa & symptomata.

Iam

Iam, quas ea causas habent, quid tibi ex  
 his consilij capiendum sit, & qua ratione,  
 paucis aperiam. Diuidam autem hanc tra-  
 ctationis partem sicut priorem, & ante di-  
 cam de actionibus laesis, tum de affecti-  
 bus corporis, ultimò de excrementis. In-  
 cipiam à functionibus animalibus. Cum  
 igitur ex signis apparentibus morbos oc-  
 cultos noscere cupias, num quid in actio-  
 nibus animalibus immutatũ, lesũue sit,  
 curiosius circumspicies, cũ eo, ut illud in  
 uniuersum non ignores, omne actionum  
 genus, ut antè dixi, triplici ratione lædi  
 posse: ablatè, ut cum omnino agere ne-  
 quit, aut diminutè, cum agit quidem, sed  
 debiliter: aut corruptè, cũ præter decus,  
 & nõ uti oportet agit: ut cum corpus aut  
 membrum in tremore est. Harum læsio-  
 num causæ sunt subinde quidem, quali-  
 tates simplices sine materiæ affluxu. Ete-  
 nim frigiditas prima ratione, humiditas,  
 secunda, aut ablatè, aut diminutè agendi  
 causæ sunt, prout intensæ aut remissæ fue-  
 rint. Nam si intensæ extiterint, ablatè: si  
 remissæ, diminutè. ut & caliditas prima-  
 riè, corruptè agendi, siccitas secundariè  
 causæ

cauffæ sunt. Subinde uerò materiæ affluxus, sed nō ita ftata ratione. Nā etfi materia calida & ficca hoc præcipuū eximiūq; habet, quòd ſemper actiones corrumpat, frigida uerò & humida plerūq; & auferat & diminuat, non tamē perpetuū, quēadmodum in nudis illis ſine materia qualitatibus, hoc eſt, ut in oculorum ſuffuſionibus quas uapor frigidus ex uētriculi conſenſu facit, & in conuulſionibus quas pituita, uidere eſt. Ergo, ut redeam, an in ægro corpore principis facultatis, hoc eſt, imaginationis, rationis, & memoriæ actiones læſæ ſint, primum æſtimato. Quod ſi ita, quemadmodum læſæ, ablatè ne, an diminutè, an corruptè. Etenim ſi corruptè, aut in cerebro intemperies eſt calida & ficca, qualitatis tantum ratione, aut affluxus materiæ calidæ & ficcæ. Sed horū utrum ſit, ex materiæ quę præcipuè abundat inditijs, pro ſignorum ratione acceptis, diſcernere non eſt difficile. Dein, ad ſenſus accedito, atq; an uiſus, auditus, odoratus, guſtus, an tactus læſus fuerit, idq; an ablatè, diminutè, an corruptè, ex qualitatibus nudis, an materiæ affluxu, pro ratione

ratione dominātis materiæ, ex signis huc  
 pertinentibus expendito. Postremo, ad  
 motricis facultatis actionē deuenito, quæ  
 si in hac illā ue parte, siue id cerebrum,  
 siue aliud mouendi instrumentum sit, af-  
 fecta fuerit, ablatè, diminutè, an corru-  
 ptè, pro causæ natura, siue intemperies  
 sicca humidæ ue ea fuerit, ex indicio emi-  
 nētis in alterutris materiæ, indagato. Post  
 hæc, facultatis secundī generis, hoc est, ui-  
 talis functiones haud dissimili, sed eadem  
 prorsus ratione examinandæ sunt. Sunt  
 autem, ut dixi, duplices. Aut enim in ip-  
 so corde sunt, cordisq; gratia fiunt, ut uis  
 animi seu *θύμη*: aut à corde promanant,  
 ut ea quæ arteriarum systolen & diasto-  
 len, pulsum nimirum facit. Primo igitur  
 in loco, an animi ablati, diminuti, an aucti  
 sint, animo perpendito: haud immemor  
 etiā hoc loco, functiones semper aut au-  
 ferri aut diminui à causâ frigida, idq; calo-  
 re uel extincto, uel motu transituq; præ-  
 pedito. His perpensis, proximum est ut  
 ad pulsus genera deuenias. Ea in uniuersum  
 decem sunt. Nam ex motionis tem-  
 pore, celeritas tarditas: quantitate attol-  
 lendi

lendi se, magnitudo paruitas : ex uirtutis  
 ui, uehementia debilitas : ex ratione cor-  
 poris arteriæ, durities mollities : ex humo-  
 re arteriæ, plenitudo uacuitas : à calore  
 cordis & arteriæ, caliditas frigiditas : ab in-  
 teruallo, frequentia raritas : à rhythmo,  
 concinnitas inconcinnitas : ex pulsus mo-  
 do, æqualitas inæqualitas : ex numero, or-  
 do inordinatioq; pulsus oriuntur. Quæ o-  
 mnia latissimè apud Galenū in libro De  
 differētīs pulsuum explicata habes, quo-  
 minus hic oratio lōgius prouehatur. Ho-  
 rū causæ proximæ atq; immediatæ, quas  
*συνεληκὰς*, hoc est, cōtinentes, Galenus  
 nominat, tres sunt, perspiratio, instrumē-  
 tum, & causā mouens. Perspirationem  
 nomino, caloris innati quam uocāt euen-  
 tationem & necessitatem, credo, quòd in  
 omni uita necessaria sit : instrumentum,  
 arterias : causā mouentem, uirtutem ui-  
 talem quæ à corde promanat. Hæc pulsu-  
 um genera ubi noueris, si quod à medio-  
 critate suo cuiq; corpori naturale, magni-  
 tudine exilitate, celeritate tarditate, rari-  
 te frequentia, duritie mollitie, uehemen-  
 tia debilitate, cæterisue pulsus generibus  
 receſſ

recessisse tactu deprehendes, aut erit læsa perspiratio, aut uirtus mouens, aut instrumentum, atq; id uel ablatè, uel diminutè, uel corruptè. Sed uirtus quidem ac perspiratio aufertur aut diminuitur caloris defectu, corrumpitur & augetur, caloris incremento, eadem qua reliquæ functiones ratione. Instrumentum uerò si uitatur, contumax redditur, nec facile obtemperat. Id autem fit, uel quòd, re aliqua impacta, quo minus dilatari aut constringi possit, obstructum sit, uel quòd, quàm pro eo ac esse debet, durius molliùsue sit. His pulsuum locis animo diligenter uersatis, ad tertij generis, naturalis nimirum functiones animum cōuertes. Sunt aut, ut proposui, quatuor, attractrix, retētrix, concoctrix, & expultrix. Quæ etsi omnibus corporis partibus cōmunes sunt, eximix tamē in hepate uentriculoq; existūt. Quare, ex eis affectis, functionum nocumenta præcipuè colligūtur. Causas communes quidem omnes, caliditatem ac frigiditatem habent. à calore enim fiunt, roborantur, augenturq; à frigore minuuntur. Priuatas uerò singulæ, pro suæ facultatis

tatis ratione. Etenim, cum attractrix motu fibrarum attrahentium, expultrix expellentium fit, præter caliditatem, etiam madore quodam organum, quò motui obsequiosius reddatur, delibutum iri par est. Retentrix contra, cum non motu sed quiete fit, fibras siccas potius postulat. Haud dissimiliter concoctrix, quòd velut elixando alimentum cōficit, sui instrumenti nō modò calorē insignē, sed etiam humorē largū exigit. Ergo, ubi hæ facultates aut ablatè, aut diminutè agunt, scire licet calorē deficere, ac præterea in attractrice & expultrice vel siccitatē vel humiditatem, in retentrice siccitatem, in concoctrice vel siccitatem vel humiditatem. Nam siue humiditate, siue siccitate unà concidente calor defecerit, aut aufertur, aut certè diminuitur concoctio. At si ex his quæpiam plus iusto aucta fuerit, certum est id quoq, calorem auctum esse, ceterasq, qualitates pro ratione. Cæterum, an caloris incrementum, decrementum, aliâve quævis temperaturæ immutatio, ex nudis qualitatibus an ex materiæ calidæ frigidæve affluxu oriatur, ex alijs locis

f    ad hanc



ad hanc rem propriè pertinentibus capiendum est. Quocirca, etiam hos ad manũ habere prodest. Ita enim inter se consentiunt loci, operamq; mutuam prebent, ut sine alteris alteri mutili sint. Ab actionũ læsione ad corporis affectus descendito, diligenterq; inspicito, si facies tota moribunda, si nasus acutus, oculi distorti, squallidi, caui: si tempora concidentia: si aures contractæ, frigidæ, auersæ: si palpebræ in somno oculi album ostendant: si frontis tergus durum, intentum, aridum: si color corporis liuidus, pallidus, flauus, ater, aut plumbum referens: si extrema frigeāt, si ungues decolores, si corporis marcor, si nimium & inæqualiter incalescunt membra: si flaccida, aspera, aut solito maiora, ad motum tarda ac segnia: si labra aut palpebræ recurventur: aut alijs aliquibus affectionibus corpus disponatur: quæ quòd ante methodo mihi comprehensæ sunt, non est cur multa percensendo, hic longum faciam. Ab his rursus ad excrementa transitus est. Ea aut totius corporis sunt, ut sudores, qui per cæca cutis spiramenta excernũtur: aut singularum partium

tium, ut thoracis, capitis. Præcipuè tamen alui, uesicæ, uētriculi spectari solent, & huius quidem, quod uomitu, thoracis, quod tussi uel screatu, capitis, quod ore, naribus, oculis, auribusq; alui, quod sedes uesicæ, quod pudendo redditur. Hæc, ut latentium interiorumq; affectuum indicia sunt, ita suæ ratione substantiæ, substantiæ modo, qualitate, quantitate, loco & excernendi tum modo tum tempore æstimari cōsuerunt. Ratione substātię, ut an naturale sit quod egeritur, uerbi gratia, alui, purgamentum, uesicæ, urina: an ex quatuor humoribus ullus, isq; perfectus ne, ut sanguis, pituita, alterutra bilis, an imperfectus, ut quod *ἰχως* Græcis dicitur: an adustus, ut uitellina bilis: an permixtus, ut bilis adiuncta pituita: an corruptus alieniq; generis, ut in febre pestifera alui egestionem, in malo ulcere sanies: an quid præter naturam in corpore genitū, ut calculus, lumbrici, arenulæ, molæ, pili, squamæ, grumi: an quid corporis loci uel affecti excretum, ut intestinorum, dum per dysenterias exulcerantur, strigmentum, & in pulmonum affectibus asperæ  
f 2 suæ

suæ arteriæ, quod βρόγχιον Græci nomi-  
 nant, frustra quædam. Modo substan-  
 tiæ, ut durum an molle, leue an asperum,  
 coactum an fluidum, tenue an crassum  
 & feculentum, figuratum an liquidum,  
 tenax item an unctum colore & pingui-  
 tudine, spumans, subcruentum, mucoso-  
 sumue extiterit. Qualitate, ut an acre,  
 olidum, mordax, adustum, concoctum  
 an crudum, sui coloris an alieni, leue &  
 æquale, an contrà. Quantitate, ut pro  
 naturæ modo, an supra infra ue, conueni-  
 entia ijs quæ assumunt, an plus minùs ue  
 reddatur. Atq; id admodum ne multum,  
 an ualde paucum, an inter utrumq; mo-  
 deratum. Ac si uulnus est, an puris mo-  
 dus & magnitudinì uulneris, & tempo-  
 ri conueniat, an maior minòrue sit, æsti-  
 mandum. Nam plus ex maioribus, plus  
 non dum solutis inflammationibus natu-  
 rationaliter fertur. Loco, ut an non suo lo-  
 co, ut pus in thorace, urina ex sede. Ex-  
 cernendi modo, ut num uniuersim an pau-  
 latim, cum dolore an citra, difficulter an  
 faciliter, sponte an præter uoluntatē, cre-  
 bro an raro, cum sono an silentio excre-  
 tio fit.

tio fit. Excernendi tempore, ut num eo tempore quo secunda ualitudine consueuit, an citius aut serius, die critico an alio. de quibus omnibus (si plura placet) multa ab Hippocrate in prognostico, & à Galeno, cum in suis in id commentarijs, tum in libro De crisibus primo, libro itē *πρὸς τὰ τέχνης ἰατρικῆς*, & libro primo De locis affectis, ad manum parata habes. nobis satis sit exempli gratia, in summa tantum, quædam leuiter attigisse.

His, de signis atq; causis ita positis & constitutis, sequitur ut de morbo dicam, eiusq; curandi methodum tradam. Principio igitur, morbus affectus est præter naturam, à quo primum uitiatur actio. Eius tria genera sunt, intemperies, mala compositio, & solutio continuitatis. Quæ omnia, quid, qualiaq; sint, quas species partæ sue habeant, ut ex contraria ipsi ratione quæ de tribus compositionum generibus superiori libro mihi dicta sunt, palam notumq; est, ita ex Galeni lib. De morborum differentia primo, cōpendio disci potest. Vbi igitur morbum qui malè habet, ex his aliquem, ut uerbi gratia, intemperiem  
f 3 esse

esse ex signis deprehenderis, *μεθ' ἑαυτὸν* diuidendo, primum erit, utrum æqualis an inæqualis sit accuratè æstimes. Aequalē uoco, quæ omnibus corporis affecti partibus ex æquo inest: inæqualem, quæ contrà. Si inæqualis est, aut sicca erit, sola qualitate alterata, atq; id uel toto corpore, ut febris, uel parte, ut manu remulcis & fororibus, pede iter agentibus immodicus calor, eritq; aut simplex, ut calida, uel frigida, una tantū qualitate à naturæ ratione deficiente, aut coniugata, ut calida & humida, calida & sicca, frigida & humida, frigida & sicca, duabus unà desciscentibus: aut humida, præter alteratā qualitatem affluente etiam humore materiaq; Ea rursum aut calida est, aut frigida. si calida, affluxus est aut sanguinis, eusq; uel moderati, boni & integri, nec qualitate nec substantia affecti, ut in inflammatione: uel tenuioris, sanguinisue partis subtilioris & aquosæ, qualis est quæ ex uulnere nec recente nec sanescēte emanat, quæ Græcis *ἰχμερ*, Celso sanies rectè nominat, quæq; naturam bilis sapit, ut in erysipelate seu sacro igne: uel crassæ & feculentæ ad atrā bilem

bilem uergentis, eiusq; uel adustæ, ut in  
 carbunculo, aut secus, ut in scirri una spe-  
 cie: aut bilis uel sincere, ut in herpete, uel  
 quàm pro natura sua crassioris, ut in her-  
 pete uorace, ( ἐδιόμνον Græci uocant )  
 uel aquosæ, crudæ, & tenuioris, ut in her-  
 pete miliari: Aut utriusq;, sanguinis dico  
 ueri, & bilis illius saniosæ, quam ἰχθρὰ no-  
 minari dixi, ita ut exuperet pars uel san-  
 guinis puri, ut in φλεγμονῇ ἐρυσιπελατώ-  
 δει, uel saniei, ut in ἐρυσιπέλει φλεγμονώ-  
 δει: uel neuter, sed æqua lance librentur,  
 ut in affectu qui & inflammatio & erysi-  
 pelas dicitur. Sin frigida est, aut affluit pi-  
 tuita, eaq; uel tenuis, ut in œdemate pitui-  
 toso, uel crassa, ut in scirri altera specie:  
 aut atra bilis, ut in cancro. Eodem modo  
 si uitium in compositione, aut solutione  
 continuitatis sit, diuidenda omnia, atq;  
 seorsum inspicienda singula sunt. Ergo  
 intemperies siue simplex siue coniugata,  
 si sicca fuerit, contrariæ qualitatis modis  
 atq; rebus pro ratione, exposita facilisq;  
 curatio est. Pro ratione dico, quòd sim-  
 plex sicca, quæ duobus gradibus (exem-  
 pli gratia) à naturæ modo recesserit, du-

ūm graduū medicamento contrariæ qua-  
 litatis simplicis retundenda est: coniuga-  
 ta duarum qualitatum ex aduerso respon-  
 dentium præsidio refringenda. Vt si cui  
 decem quidem numeris à naturali consti-  
 tutione calor auctus fuerit, septem uerò  
 siccitas, ex causis salubrib. aliquid, quod  
 decem numeris frigidityte, & septem hu-  
 miditate par sit, exhibendū erit. Sin cum  
 affluxu materiæ, uidendum est, uti indica-  
 ui, sanguis ne sit quod affluit an pituita,  
 flaua bilis an atra: fluxerit ne qualitatis  
 immutatae ratione in calidum, frigidum,  
 tenue, crassum, mordax, putridum, fla-  
 tulentum, tenax, & id genus reliqua: aut  
 quantitate nimia, ut cum repletio tanta  
 sit, ut aut uasa distendat, aut uirtutem gra-  
 uet: Vnde non abs re ad partem imbecil-  
 liorem aut copia sui, aut uirtute membri  
 mandantis atq; exonerantis se, nec copi-  
 am nec qualitatem molestam ferentis, ui,  
 aut parte patiente prolestante atq; ad se  
 trahente humor defluere cogitur. Sed ex  
 signorū indicijis ubi iam elicueris, humo-  
 rem, uerbi causa, bilem esse, qualitate  
 tenuem atque fluidam, secundum est, ut  
 membri

memברי recipientis & mandantis naturam æstimes, sit ne extra an intus positū. Si intus, primum, cuius substantię sit, disquire, laxę ne ut pulmo, an solidę ut membrana, os, neruus: cauę ut renes, uesica, an secus, ut neruus, chartilago: copiosi sanguinis ut iecur, an exigui ut intestina, uesica: multorū uasorum ut hepar, an paucorum ut uesica, aut nullorū ut neruus. Dein, cuius actionis, largientis ne alijs, ut cerebrum; cor, iecur, uentriculus, an accipientis, ut intestina pleniora, uesica, caro, cutis: nobilis ne, ut cor, testis, an ignobilis, ut lienis. Postremo, cuius situs, ut in summo ne fluitet, an imo residat, membro ne nobili, an ignobili adhæreat. Quæ omnia ut in membro fluxum excipiente ac mandante, ita in quauis affecta parte peruestiganda sunt, si curandi indicationes recte inuenire, omniaq; pro ualetudine fieri cupias. Sed quid causę sit tantæ uirtutis in membro mandante quòd depellat, quid debilitatis in excipiente quòd materiam admittat, quid in patiēte quòd prolecat, dolor ne an calor, ex ijs quæ superiori libro, de ea tuendæ sanitatis parte

f 5 quæ



quæ reficiēdo est diximus, quo loco quæ membrum ualidum infirmūue reddāt exposuimus, atq; ex Galeni libro de medendi methodo decimotertio, exigendū est. Quibus cognitis, cum fluxio nulla sit, quæ non aut per uasa, aut meatus atq; uias quasdam, quæ materiam fluentem acceptam aliò transmittant, fiat, sint ne eæ amplæ an angustæ, rectæ an obliquæ, uenæ an arteriæ an nerui, uastæ cauitates an exigua foramina, perscrutandum. Motus item, uelox ne & præceps, an tardus & segnis, ad inferna an superna, accurate peruidendum. Etenim pro horum uarietate, medendi indicium uariatur. Vires naturæ inspiciendæ etiam. Hæ enim non solum quid, quantum, quo modo agendum, sed etiam an sit omnino agendum docebunt. Siquidem, cum tria sunt in uniuersum, circa quæ omnis medendi opera uersatur, in quibus perpetuò fixos habere oculos conuenit, morbus, subiectum, & natura, ex quibus, morbum depellimus, subiecto sanitatem inducimus, naturam tutamur iuuamusq; illa aduersis, hoc secundis, iuxta Galeni illud, contraria

traria contrarijs mederi, similia similibus conseruari: hæc tamen nisi natura adiuuante, atq; cū primis officia sua exercen-  
te, frustra tentabimus. Vnde, sapienter Hippocrates, τῷ νόσῳ γὰρ φύσις ἰητροί, inquit, φύσις δ' ἰατρὴ τῆς ἰητρούς: Hoc est, morborum siquidem medici, naturæ sunt, naturæ autem minister medicus. Ea enim est, quæ in corporibus nostris omnium functionum auctor est. Quamobrem, ut discamus quid, quando, quantūq; agere conueniat, ad naturam respiciendum est. Tātum enim à medico eodemq; modo agendum est, quantum, quoque modo à natura agitur. Si enim naturam fortiter morbo reluctari cernimus, reluctandū, ubi uidebitur, unā nobis est, eoq; nitendū quò natura fert, & uictoriæ spes erit: tantumq; euacuationi, alterationi, alteriue alicui motioni mutationiq; indulgendum, quantum natura, porrecto instrumento, probè perficere possit. At si naturā miseris modis afflictam, ac morbo pressam, nullo conatu se mouere conspiciamus, nec nobis mouendum quicquàm erit, ne, præterquàm quòd operam lude-

remus,

remus, subiremus quoque speciem eius ut occisi, quem fors ipsius interemit. Quo circa, naturam semper ob oculos, quoties mederi consilium est, habeas oportet. Post naturam, subiecti etiam, hoc est, humani corporis ratio habenda est, quod id non eiusdem semper, sed diversissimi temperamenti sit, quod varijs animi motibus perturbetur, varios mores, consuetudines, atque vitæ instituta habeat, quod varias ite regiones sortitum sit, ac pro varijs anni temporibus, cœli solique ingenijs, varie se affectu alteratumque sentit, cuius membra affecta quandoque ea sunt quæ in abdito ac profundo sui, quandoque ea quæ in summo posita sunt. Nec minus affectus, pro causæ maioris minorisve ratione, plus minusve à sani eius temperamento recedunt. Quapropter, non omnibus eodem modo, ne si eodem morbo laborauerint quidem, eodemque gradu à temperamento recesserint, medendum est, quanto magis si modo, graduque morbi variaverint, varianda medicina est. Nec, cum varijs locorum affectorum, ut dixi, positis sint, eidem semper loco remedia applicandum, sed pro

sed pro circumstantiarum, affectusq; ratione, uarijs modis, uarijsq; locis & occurrendum & admouendum. De morbo, qui inter ea quę semper præ oculis habēda admonui tertius erat, cuius naturę, quarumq; partium sit, iam ante pauca delibauimus: nec est quamobrem ea repetendo, iisdem diutius insistam. Ergo ubi morbum profligare uis, hæc quinq; capita, (quę nerui sunt, atq; artus medendi) potissimum animo uersanda sunt, quid agendum, quantum, quo modo, tempore, & loco. Sed ne hæc frustra indicasse uideamur, si agere ne liceat an secus nesciamus, quibus indicijs, an agendum sit, uideri possis, ante paucis ostēdemus. Sæpe enim usu uenit, ut tum uel maximè agendum uideatur, cū tamē citra graue periculum agere non cōceditur, ac proinde ne agendū quidē. An igit̃ agendū sit, natura formaq; naturalis egri indicium facit. Nā si natura formaq; facultatib. instrumētisq; suis integra illæsaq; fuerit, si attrahere, retinere, conficere, expellere, assimilare, cæteraq; uitæ munia obire ualeat, nulla in re de forma sollicitus, ad medendum recta

rectè progreditor. At si natura affecta fracta<sup>q</sup> fuerit, non tamen deplorata, prima ratio cura<sup>q</sup> naturæ succurrēdæ esto, sine qua ne agere quidem omnino licet. Tantum enim agendū, quantū, ut prædixi, uiribus concessum est. Ad hunc modum, an agendum sit, ubi affecutus sis, proximum est, ut quid, quantum, quo modo, loco & tempore agendum sit, inuestiges. Ad quam rem indicationes, quæ inditia quædam sunt omnia rectè exequendi, & ueluti statuæ mercuriales ad scopum omnia dirigendi, plurimum faciunt. Hæ autem, ut in summa dicam, ex his ferè locis sumi consuerunt: natura morbi, modo recessus à temperamento, ægri uiribus, consuetudine, uitæ proposito, regione, anni tempore, ætate, constitutione, motu morbi uel causæ & quiete, atq; loci affecti natura. Quam rursus diducimus in temperaturam, substantiam, functionum dignitatem, sensum, positum, situm & figuram. His ita propositis, quid agendum sit, ante omnia explorato. At uerò quid agendum, natura morbi indicat. Nam si natura sua morbus inualidus sit,

ægri

ægrī autem natura satis ualeat, nihil nobis negocij, nisi ut ne pugnantem naturam nulla ratione præpediamus, relictum est. Si ille ualidus, hæc infirma fuerit, ad mouenda manus est, atq; naturæ conatus medicamentorum auxilio cōtra morbum promouendus, idq; rebus contrarijs, eiusdem prorsum generis atque gradus. Non enim satis est id scire, contraria contrarijs pelli, nisi etiam ad quem modum, quantitatemq; ea adhibenda sunt, perpulchrè noueris. Nihil enim iuuat affectibus calidis frigida admouisse, nisi cōuenienti aptoq; pro re nata modo id facias. Etenim, si infra modum ea exhibeas, periculum est ne supersint morbi reliquæ quædam: si ultra, ne nouum morbi genus priori contrarium importunè inducas. Nam qui morbum calidum nimium refrigerat, quod sanam symmetriam is excedit, morbū frigidum gignit. Quod ne fiat, corporis, quod in morbo est, naturam probè callere, uel in primis oportet: ut cognito, quantum à uera symmetria morbus declinarit, medicamento, quod refrigerando erit, modum constituas. Sed  
fieri

fieri nequit, uti alio loco diximus, ut recessus declinationē inuenias, incognito ad quem usq; modum, cum sanum esset, corpus calidum, frigidum, humidum, uel siccum fuerat, quantumq; iam in morbo constitutum, ab eodem in se sano uariauerit. Quo cognito, expedita est curatio. Nam si morbus à naturali corporis habitu longè abscessit, ualidis intensiq; indiget contrarijs: quod non ita multum, imbecillis remissioribusq;. Multum autem recessit à corporis symmetria morbus frigidus in corpore calido, aut contrà, calidus in frigido: minus, calidus affectus in calido corpore, aut frigidus in frigido. Ergo, si morbus intemperies fuerit calida & sicca sine materiae affluxu, frigidis & humidis pro ratione obsistendum. Sin cum affluxu, & illa quidem ex repletionē, euacuatione leuandum. Nam morbos ex repletionē, euacuatio sanat, ut rectè docet Hippocrates. Sin in compositione uitium sit, idq; ex obstructione, aperientibus: sed si ex asperitate, lenientibus: si ex magnitudine, minuentibus malo obuiandum. Sin in solutione continuitatis, & ea quidem

quidem ex dissectione sit, unione & consolidatione subueniendū. Quam si quid, ut affluxus, uel humor aliquis redundans impediuerit, quod affluxum est, euacuandum, humor, ijs quæ siccandi potestatem habent, absumendus. Haud dissimiliter in affectibus etiā qui secundū naturā sunt, ab affectus sola natura, quid agendū sit, quibusq; rebus, similitudine quadā naturæ pro cōseruando corpore facientibus, utendum sit, indicatio est.

Quantum uerò agendum, ægri uirtus atque à naturali habitu recessus modus indicabunt, siue rerum mole, siue gradu agas. Nam uirtus, quantum mole exhibendum sic monstrat, ut libra ne, an uncia, an drachma uel medicamento uel cibi. Sæpe enim copioso uictu, multis medicinis opus foret, nisi uirtutis infirmitas reclamasset, nisi moli quātitatiq; demere præcepisset. Qua de causā, pro uirtutis uiriumq; ratione moderandus tum cibus tum medicina est. Verbi gratia, si duobus gradibus calfaciendum sit, ne uirtus affecti corporis ex tanta calfactione exolueretur, seruatō quidem contrarij gradu, medica-

g      menti



menti moles minuenda est. Item, si bilis libræ duæ, scammonij scripulo uno educendæ essent, uiribus ægri id nō ferentib. bilis uncias tantum sex, totidem scammonij granis rectè eduxeris. Satiùs enim est, repetita euacuatione, ac minutatim agendo uirtutem conseruare, quàm semel & confertim, eandem prosternere. Recessus uerò modus, quantum, non mole, sed gradu offerendum sit, docet: ut an uno, duobus, an tribus gradibus alterandum, parum an multum euacuandum. Exempli causa, si à naturali constitutione uel temperatura, mala compositione, uel solutione continuitatis, duobus gradibus corpus abscesserit, duobus præcise sui contrarij gradibus occurrendum est. Sed quo modo agendum, ægri mores, consuetudo, uitæ propositum, regio, anni tempus, ætas, constitutio, motus quies, natura loci affecti ostendent. Mores, alio enim modo mollis delicatus & delicjjs affluens morbo leuandus, alio rusticus atq; laboribus assuetus, etsi idem morbus, eadem recessus quantitas, si id casus tulerit, utrisque extiterit.

Delica

Delicatulò siquidem medicinam facies gustu dulcem, odore gratam, substantia tenuem, in summa, solitas ægrî delicias referentem. Rustico contrâ, nulla nec gustus nec odoris gratiæ ratione habita, eandem nulla nec re, gradu, aut mole, dum vires constet, mutata, ad rem usumq; tantum, pro suæ naturæ consuetudine exhibebis. Consuetudo. Etenim si æger pharmacis assueuerit, quiduis citra nauseam facile admittit. Sin minus, mille artibus agendum, mille fucis commendandum medicamentum est, ne alioqui æger medicum aut oderit aut fugiat. Vita propositum. nam faber ferrarius, messor, humidis gaudent medicinis, fullo, piscator, siccis, cuius generis catapotia ac pastilli sunt. Regio, anni tempus, constitutio, ætas. Etenim si calida hæc sunt, frigidis, si frigida, calidis demulcendum. Motus, quies. Si enim humoris, seu materiæ defluxus fuerit, ea uel nunc fluit, uel mox fluxura est, uel partim fluxit partim fluit, uel iamdudum fluxa quieuit. Si fluit aut fluxura sit, ad partes loco ad quem defluit oppositas auertenda mate-

ria, indeq; euacuanda est. Sin conquieuerit, aut à loco ipso affecto euacuanda, aut saltem ad proximas partes deriuanda est. Sin partim fluxit, partim adhuc fluit, & ad locum oppositum trahes auertesq;, & à loco affecto euacuabis. Quod quò dextrè efficias, disquirendus euacuationis locus est, qui à loco patiente nec nimium remotus, nec nimium uicinus, sed in medio inter utrunq; positus sit, ut nec simplex auersio, nec simplex deriuatio, sed mixta, atq; ex utrisq; media fiat. Affecti loci natura quo modo agendum indicat, à sua temperatura, substantia, functionum nobilitate, sensu, positu, situ & figura. A temperatura, ut si calida & sicca naturaliter fuerit, earundemq; qualitatum aduentitiarum tantam accessionem habuerit, ut iam à naturali temperamento discesserit, hominemq; agrum reddiderit, medicamenta tot gradibus frigida humidaq; esse exhibenda, quot calorem siccitatemq; supra naturale temperamentum membri aucta esse, coniectura erit, addita etiam re aliqua quæ pro membri temperamento facit secundumq; sit. Ita enim

enim & medicamen efficacius foeliciusq;  
uires suas proferet, & à membro, quàm  
si nullo prorsus secundo adiecto admo-  
ueretur, facilius admittetur. Exempli  
caussa, ubi cor supra modum calfactum  
refrigerare uelis, nonnihil calidi præsidij  
admisceto: ubi cerebrum calfacere, ali-  
quid de frigido. frigidum enim cerebro,  
calidum cordi secundum amicumq; est.  
A substantia, ut si durum solidumq; mem-  
brum sit, quo aditus penetratioq; detur,  
medicamento aliquid quod tenuis sub-  
stantiæ sit, adiungemus. A functionum  
nobilitate, ut si pro corde aut uentricu-  
lo medicinam exhibeas, quorum alte-  
rum spiritus quo uiuimus, & caloris quo  
fouemur, alter concoctionis, nobilissi-  
marum operationum, auctor est, memi-  
neris cordis medicinæ semper odora, uen-  
triculi, constringentia & calfacientia adij-  
cere, etiam si morbus horum nihil postu-  
lauerit. Nam odores ad calorem inna-  
tum, spiritusq; uitales fouendum recrean-  
dumq;, astrictio ad continendum, calfa-  
ctio ad concoquendum uel maxime pos-  
sunt. Atque ut uno uerbo dicam, cuius-

cunque generis functiones fuerint, ut cum ijs consentiant medicinæ, secundæque omnia sint, ex toto curandum. A sensu, nam si acuti sensus locus est, mitioribus; si obtusi, uehementioribus, si id res exigat, agendum est. A positu inditium est medico quidem chirurgico, quo modo ligandum, incidendum, inurendumue sit: pharmaceutico uero, quemadmodum inungendum, fouendum, & medicamentum exhibendum: ut, ubi morbus membrum, quod alte positum est, occupat, quò ad id medicamenti, cætera tum re tum qualitate pro morbi ratione confecti, uis penetrare facile possit, deligenda esse ea quæ tenuium partium sunt, aut admiscendum esse aliquid, quod substantiæ tenuitate, id quod crassiusculum est in intimas partes deducat, ut pro eo esse possit, ac si tenuium partium esset. Nec minus inditio situs profundus est, medicamento, ne eundo iustas uires amittat, tantum ex auctario esse adiungendum, quantum in itinere discessurum conijcimus. A situ & figura, ut si quas uias pars habeat, per quas in alia mēbra

bra pertinētes, eisdem fluxu molesta esse possit, si in principes partes eæ ducunt, intercludendas, atq; in ignobiles auertendas esse. Idem si longa & præceps fuerit, ut gula, aut lunata & continens, ut uentriculus, hic salubriter infundenda medicamina, si exulceratio exercet, quod quieti locus est, illic non nisi sensim & iugiter instillandum, quod non consistere, sed obiter tantum præterluere datur, locorum situs & figura de se inditio sunt. Proinde, ut in uentriculo quælibet, dum ad rem sunt, ex usu esse indicatio est, ita in gula non nisi crassa & lenta, natura loci docet: crassa, ne diffuant, lenta, ut adhæreant. Eodem modo in utriusq; intestini, plenioris dico & tenuioris, uitij, per infernâ ne an superna medicamenti usus sit, situs figuraq; patientis loci indicabit.

Quo loco agendum, membri affecti positura commonstrat. Vbi enim affectus est, ibi adhibendum remedium est. Vt si in pleniori intestino uitium fuerit, ut causam elidas, clyisma subter dedisse prodest. Si in tenuiori, pharmaco ore assumpto rectius aluum duxeris. Si in uen-

triculo, itidem, ac præterea uomitu. Si in iocineris parte gibba, uel renibus, urinam mouendo malum auferes. Quo tempore agendum, loquuntur motus & tempus morbi. Motus, ut si uelox præcepsq; sit, quòd protinus occurrendum est. Etenim, in hoc genus morbis mora periculum trahit, Quamobrẽ, peracutis eodẽ die medendũ est, & uictus, quantus maximus potest, tenuissimus præcipiendus est, uti rectè cõsuluĩt Hippocrates. Si quidem hic procrastinatio, nõ uacat periculo, maximè quum in extremis morbis extremi sunt dolores. Sin motus tardus sit, materiaq; non turgida, non circũflua, sed quietæ extiterit, indicatio est prius expectandam concoctionem esse, quàm ali quod operæprecium moliaris. Iam, tempus morbi indicat, quòd in morbi principio euacuacio attentanda non est, sed in augmento, ubi manifesta concoctionis signa fuerint, quodq; in inflammationum principijs, à medicamentis, quæ digerendi discutiendique uim habent, abstinendum: in incremento uerò atque statu, eisdem audacter utendũ. Et hæc quidem de meden

medendi ratione, causis, atq; signis morborum, pro methodo, quæ uniuersalium tantum est, abundè erunt. Nam methodus hoc peculiariter præstat, ut ex breui & elementari principio ad particularia conferendi te facultatem habeas.

Atque ita de summa medicinæ censuimus, hætenusq; quàm potuimus fanè paucissimis, utranq; eius partem, ὅτι καὶ ἐν τῷ πρώτῳ βιβλίῳ, suo quamq; libro complexi sumus, indicauimusq; quemadmodum illa conseruando, præseruando, corrigendo, & reficiendo tueri sanitatem: hæc ex causarum notitia, signorum inditio, & agendi animaduersione morbum profligare possit: cum eo, quòd de natura & utilitate methodi sub initio in hunc finem diximus. Superest id solum, ut studiosus quisque, qui ex hac medendi methodo commodum atque fructum capere uelit, hac duce, nata medendi materia, & causarum salubrium copia, in particularium morborum curatione se exerceat. Nam illud ignorari non oportet, nullam artem sine methodo, quæ uniuersalium est, & exercitatione, quæ




singularium ratione constat, parari posse. Neq; enim est quòd quis speret se posse medendis ægris quæ oportet facere, nisi uarijs se ante modis particulatim exercuerit, neq; exercitationem unquam fore fœlicem confidat, nisi præceptorum uniuersalium cognitionem acquisiuerit. In his enim methodus, in illis exercitatio est. Quæ duo, ueluti pedes sunt, quibus ingredi unumquẽq; oportet, qui artẽ aliquam adipisci studet. At quemadmodum qui se in iter dant, si ambobus pedibus utuntur, atq; uicissim utrumq; mouent, inoffense & maturè iter conficiunt, si altero tantum subsultim, crebro offendunt, ac non nisi spatio, & graui labore quo uelint perueniunt, (si omnino perueniunt,) ita qui ad artis alicuius finẽ recto tramite, & inoffenso pede peruenire cupit, methodo atq; exercitatione, duobus facultatum omnium pedibus, illa in uniuersalibus, hac in particularibus (ut dixi) utatur necesse habet. Quòd si quis in alterutra tantum firmare se uelit, non est cur is operæ precium aliquod, aut absolutum quid se consecuturũ unquam confidat, etiam si  
eò sum

eò summo studio ac labore contendat. Si  
quidem nihil prodest studium peruenien-  
di aliquò, nisi illud quod eò quò intendas  
ferat deducatq; cognoris: ne, si quis sit  
qui aliter sentiat, sibi imprudens  
imponat, ac se uana  
spe lactet.

IOAN. CAII BRITANNI

*De medendi methodo libri se-  
cundi & ultimi  
finis.*



### Erratorum castigatio.

Pag. 15. uersu 5. pro eoq̃, lege, eò quòd.  
Ibidem uer. 15. quodq̃ non simplex. Pag.  
18. uer. 8. indiscreta Pag. 37. uer. 6. amo/  
uenda sunt. Pag. 41. uer. 4. uel uitium.  
Pag. 71. uer. 10. affecta.

BASILEAE APVD HIERO-  
nymum Frobenium & Nico-  
laum Episcopium Anno  
M. D. XLIIII.